

**SPEAKER** : “Chuvangin dinga inring chu fimkhur rawh se, chutilo chuan a tlu dah ang e.  
I Korinth 10:12.

Question kan la ang a, Starred Question  
No. 41-na zawt turin Pu Lalthansanga i lo sawm ang.

**PU LALTHANSANGA** : Pu Speaker ka lawm e. Ka Starred question 41-na, Mizoram Sorkar hian eng chin hi nge Mizoram ramriah a pawm tih ka zawt e.

**SPEAKER** : Chhang turin Pu J.H. Rothuama, Minister, Land Revenue and Settlement Department i lo sawm ang.

**PU J.H. ROTHUAMA  
MINISTER** : Pu Speaker, Hrangturzo bialtu zahawm tak zawhna chhanna chu hetiang hi a ni. Assam Sorkarin Mizoram ri atana Tahrik ni 9.3.1933-a Notification a lo chhuah No. 2106 hi date 9.3.1933 ( vide the Assam Gazette, March, 1933) kha U.T. a hlankai kan nih khan rin leh mai a ni a. Peace Accord sign hnua State kan nih khan hei hi rin nghal leh ramria hman tak zel chu a ni.

**SPEAKER** : Zawhbelhna, Pu Lalthansanga.

**PU LALTHANSANGA** : Pu Speaker, ka lawm e. U.T. Ministry-ah khan Pu Ch. Chhunga khanin 1933 kha a pawm lovin, 1875 zawk kha nawrin an han bei chho kha a ni a. Tichuan, hemiah hian buaina kha kan nei chhovin, harsatna kan tawk zeuh zeuh a, 1994-ah khanin Silchar nena inepna nasa tak kha a lo thleng leh ta a, khatih hun laia kan kan Chief Minister khanin hemi chungchangah hian Home Ministry-ah te thlenin, Home Minister Pu Chavana pawh khanin hemi tifel tur khan a rawn ti kha a ni a. Chumiah chuan District Commissioner level leh Chief Secretary level-ah sawi tura tih a ni a. District Commissioner level-ah khan sawi a ni a. Tichuan, Chief Secretary level-ah Guwahati-ah sawi a ni leh a, tichuan, a final-na tur kha Chief Minister level a ni a, Mizorama sawi tur a ni leh ta a, kha kha sawi zui mang talovin tun thleng hian la pending a ni a, hei tunhnaiah Phaisenah leh hmun hrang hrangah buaina kan neih chhoh leha hian Boundary buai

kan ni tih hi Central hian min hriatpui tawh a ni a. Hei vanneih thlak takin vawiina kan House Leader zahawm tak, Chief Minister a nih leh takah hian khami 1994-a kan thu kal kha a bawhzui leh theih angem ? a tihnun leh theih angem ? tih kha ka'n zawhbelh a ni.

**SPEAKER** : Tunah a chhang turin Minister i lo ko ang.

**PU J.H. ROTHUAMA  
MINISTER** : Pu Speaker, ka lawm e. Hemi kan ramri chungchang thu hi a zawhna chhunzawmah han sawi belh ta lawk ila. 1875-ah khan Governor General in Council an ti a, chu chu Governor General leh a hote, a MP-te

kan ti mai dawn em ni ? Chu chuanin Mizoram ramri hmasa ber kha an rawn siam a, chu chu Governor in Council Assam khanin 1933-ah khan an rawn ennawn leh ta a. Chutah chuan keini Mizo fate hi kan tel lova, 1930-33 siamthatnaah khan. Kan hriat phak ve loh khan kan ramri kha an lo siam a, chu chu District kan han nih a, Administration hrang deuh hleka kan han kal pawh khan kha kha kan hmang chho ta a. Tin, U.T. a lo nih khan, kha kha U.T. min pek khan ramriah an hmang leh ta mai a. 1986-ah inremna alo awm dawn khan Mizoram mipuiin ramri hi kan tihdanglamna hun chance tha bera ngaiin kan lo beisei a, mahse, tah khan engmah tihdanglam awm lovin U.T. ramri bawh kha kan MNF unaute khan an rawn pawm ve leh ta a. Chuta chinah chuan tuna kan han sawi kha kan ramri chu a ni mai a. 1994-a kan Chief Minister zahawm tak, tuna kan Chief Minister zahawm tak ni mek hi ramri chungchang thuah chuan a kal thui ber niin ka hria a. Deputy Commissioner leh Chief Secretary level-a inbiak hnuah khan Chief Minister level-a inbiakna Assam Chief Minister nen, Silchara thlawhna tumhmunah inbiakna chu an nei a, chuta hmundang an ruat leh khan Assam Chief Minister khan Guwahati-a inbiak a rawt a, kan Chief Minister Pu Lal Thanhawla khan Aizawla inbiak a rawt a, a hmun thuah lungualna an nei hlei thei lova, chuta tang chuan inbiakna kaltlang hlei thei lovin a tawp ta rih a ni mai a. Chumi 1994 hnuah hemi chungchang thu hi sawi a awm ta rih lova. Ramri buai chungchanga Meghalaya leh Assam-te, Nagaland leh Assam-te, Manipur leh Assam-te hi ramri buai neiah Central lam atangin an rawn puang a, keini kan tel ve lo a ni. Ramri buai nei a tel ve tur khan Party hrang hranga kan MLA-te leh khatihlaia kan Sorkar hotute MNF te nen Delhi-ah pawh an zuk kal a, mahse, engteh vak an zuk sukaw lo niin kan hria a, chu chu kan dinhmun a ni mai a. Tunah chuan theihtawp chhuaha helai ramri, tuna kan neih chin ang phei hi chu khauh taka hum kan tum a. 1875-a ramri hi party zawng zawng leh mipuiin kan duh ber chu a ni a, hei hi kan pawm tlan pawh a ni. Hemi hi theih ang tawka nawr chhoh zel erawh chu kan lo tum zelin ka ring a, chu chu ka'n sawi theih chu a ni e, ka lawm e.

**SPEAKER** : Zawhbelhna, Pu Lalduhawma.

**PU LALDUHAWMA** : Pu Speaker, kan Minister zahawmtak chhanna kha a nem lutuk kati a, kha kha kan rorelna sang berah hian record-a a awm phei chuan a pawl viauin ka ring. Kum 1930 inner line an notified-in 1933 kha Tlaklui ram lui a ni a, an aiawh pakhatmah an tel lova, kan pawmpuina a awm bawk lova. District Council-in an opposed-a document a awm a, U.T. ah, State-ah Mizoram roreltu tumah hian kha kha kan la pawm ngailo reng reng. Kha kan pawm ngai lohva kha District Council-ah an lo hmang a, U.T. ah an chhawm leh a, State-ah kan chhawm leh a, hei hi kan ramri a ni mai tih kha a pawl viauin ka ring. Chuvang chuan kan pawm tlan consensus nei a, party tinin kan pawm tlan chu 1875 a ni a. He 1933 ramri hi kan pawm lo kan ti tur a ni dawn lawm ni, vawiinah hian. Kan pawm loh avangin term hmasaah khan helaiah Resolution kan passed a, i dinglam amite pawh hian lungrual takin an passed ve a. Boundary Commission kan din a, he ramri kan pawm loh zia entirin Central-ah kan thehltut a ni lawm ni. Chuvangin, vawiinah hian khatimai lo khan hei hi chu Assam Sorkarin min rawn hauh lova an tih min imposed a ni a, kan la pawm ngai reng reng lova. Kan ramri diktak nia kan hriat hi humhim tumin theihtawp kan chhuah zel dawn tih hian kan Minister hian min chhang thei zawk lawm ni ?

**SPEAKER** : Zawhbelhna, Dr. R. Lalthangliana.

**DR. R. LALTHANGLIANA** : Pu Speaker, Pu Duhawma zawh kha keini pawn kan ngaihkan dik tak a ni a. March 9, 2006 khan he House-ah hian Pu Speaker, hemi chungchang official Resolution hi khatih hunlai kan Revenue Minister, Pu B. Lalthangliana khan a pulut a. Tahchuan, Mizoram leh a thenawm State-te inkar ramri chingfel tur, chingfel ngai laite chingfel turin Sorkar laipuiin Boundary Commission din thuai rawh se tiin lungrual takin kan passed a ni. Tahchuan, Committee pawh vawi engemaw zat a awm a, khatih hunlaia party zawng zawng kan lungrual vek a, tin, party piahlamah kan NGO, YMA, MHIP te leh MUP lampangte pawh kha kan rawn a, an ni te nena lungrual taka kan tihtlan, tuna kan Member zahawm tak Pu Lalduhawma rawn sawi kha a ni a.

Tichuan, Prime Minister hnenah Memorandum thehltut, 2007 khan a ni a, hei a copy pawh a la awm a. Hei hi kan zavaia kan lungrual tlanna, 1875 kha kan lungrual tlanna a ni a, he ramri hi a pawimawh a, boundary chungchang hi engemaw tia ngaihkan chidang dang neih pawh tha kan ti lova, Sorkar, khatih hunlai ami pawh khan, chuvang chuan consensus tak taka helai hi decision siam kan ni a. Chuvang chuan he House hian kha kha kan la pawm reng dawn lawm ni tih ka zawt duh a. Tin, kan thehltutna 2007 kha a ni a, Prime Minister-ah delegates party tin aiawh te pawh kal ila kan ti a. Amaherawhchu, kan Prime Minister-in appointment min pre remchang thei lova, chumi avang chuan he memorandum lehkhabu siam hianin kan Chief Minister khanin Delhi-ah a thehltut ta a ni a. Tunah hian hemi kan thehltut chungchangah hian hriat kan nei ta em ? 2007 ami tawh, 2009-ah hian hriat kan nei tawh em ? tih kha ka zawt nghal a ni.

**SPEAKER** : Awle, Leader-in sawi duh a nei em ? Duh lem loh phei chuan chair atangin phut a ni lem lo.

**PU LAL THANHAWLA  
CHIEF MINISTER** : Pu Speaker, ramri chungchang hi party ten hamthatna la a inpuhmawh tumna chiah ka ngai lova. A mimal tin hi inzawt kalh ila, kan ngaihdan leh kan duhdan hi chu a inan vek ka ring a ni. Hotu hmasate Pu Ch. Chhunga

hunlai atang tawhin ramri chungchangah hian a humhalh dan tur an ngaihtuah thin a. Pu Ch. Chhunga khan Boundary Committee a din a, Rev. Zairema, Pu C.L. Ruala leh B. Punte, chumite pathum chu an ni a. Hna an thawk tha hle a. Kan ramri china an ngaihte pawh kha an zawng chhuak tha a, supporting documents-te pawh an nei a. India rama archive hrang hrangah te an kal a, a copy an phal loh pawhin engtin tin emaw an hmuchhuak a, tiang chuan hna an thawk tha hle a ni. Chumi chu kan dinna a ni mai a, 1875 hi kan rilru ina kan tum zawn theuh a chu a ni. Amaherawhchu, tuna kan ramri anga kan ngaih chin, hranghluite sapelna chin leh khawi khawi emawte rinlut ta ila chuan dan dinglaih chuan khang a lo awm tawhte kha hnawhchhuah theih an ni dawn lova, chuvangin, Mizoram population chanve vel lai hi chu rinluh a ni mai ang tih an hlau a, chuvangin a bithliah chin deuh kha an nei ta kha niin ka hria a. Tunah hun a lo kal chho zel a, chu chu Central lamah an thehlut a, Pu Chhunga hovin, tin, hun a lo kal zel a, inbiakrem a lo ni dawn a, chumi hunah chuan remna atan khanin Pu Chhunga hova Memorandum, Central-a an lo submit tawh 'Top confidential' an tih kha MNF unaute hnenah kan hotuten an rawlruk a, 'tun hi kan tulung neih hnuhnun ber, karfung tha kan neih hnuhnun ber a ni tawh maithei a ni. Chuvangin tunah hian rawn tang tlat teh u,' tite pawhin thurawn kan pe a. Amaherawhchu, tang zo lovin tuna a nih ang ang hi a lo ni chho leh ta a ni.

Engpawh niselangin, kan ramri hi Assam nen kan inchuh a, kan buai a, kan ramri an rinnaah hian Mizo pakhat mah kan tel lova, kan tel lova an plan hi kan pawm mai turah kan ngai love ! Chuvangin Mizoten lungreal taka kan ramri kan tihchian hi chu chhan turin leh hloh lo turin theihpatawpin kan tang ho turah kan ngai a. Tin, hemiah hian Mizo zawng zawngte, party, party pawh sawi lovin kan lungrealna tur chiah kan ngai a, tuna Member zahawm tak ten resolution, hemi House-a an rawn sawite pawh kha kan thlawp ve a, kan tel ve a, kan resolution a ni ve a. Chuvangin, kha kha tun thlengin kan dinna a ni a, remchangah party hrang hrangte pawh inrawnin kan la bawhzui zel turah ka ngai a ni, Pu Speaker.

**SPEAKER** : Tunah chuan Starred Question 42-naah kan kal ang a, a zawt turin Pu K. Liantlinga i lo sawm ang.

**PU K. LIANTLINGA** : Pu Speaker, ka lawm e. Kan Hon'ble Minister zahawm tak, Education changtu ka zawhna Starred Question No.42-na - (a) Higher Secondary leh Secondary School hi Administration pakhata dah leh tumna a awm em ? (b) Mizoram Education policy hi siam tumna a awm em ? tih kha ka zawhna a ni e.

**SPEAKER** : A chhang turin Pu Lalsawta, School Education Minister lo sawm ang.

**PU LALSAWTA MINISTER** : Pu Speaker, Members zahawm tak Pu K. Liantlinga, Aizawl South-I bialtu zawhna (a)-na chhanna chu 'Tun dinhmunah chuan Higher Secondary School leh Secondary Education administration khata dah leh tumna a awm lo' (b)-naah chuan 'Mizoram Education policy siam tumna a awm e' tih a ni.

**SPEAKER** : Zawhbelhna, Pu K. Liantlinga.

**PU K. LIANTLINGA** : Pu Speaker, ka lawm e. Ka zawhbelhnaah chuanin hei, ni 15.10.2007 khan separation order hi an tichhuak a, amaherawhchu, vawiin thleng hian administration hi a mumal lo em em mai a. Office staff-te an la intawm a, tin, building an intawm a, compound khatah an la awm a, administration hrangin an ti bawk si a.

High School leh Plus 2 (Higher Secondary) kha administration-ah hian an buai em em mai a. High School Headmaster kha DDO a ni bawk si lova, Principal, Higher Secondary School kha DDO a la ni bawk si a. Tin, a mumal tawh lohna chhan chu modality mumal tak siam a ni lova, hetiang separation order an siam mai hi, harsatna tam tak a awm a, "siamthat tumna a awm em?" tih kha ka'n zawhbelh leh a.

Tin, ka zawhna pahnihaah chuanin, Central Higher Secondary School, College Vengah khuan Science Stream a la awm lova. Hemi chungchangah hian Aizawlah hian Govt. Higher Secondary School hi 7 lai a awm a, chungte chu, Chaltlangah te, Republic Higher Secondary School-te, Govt. Higher Secondary School-te Aizawl North lamah a awm a. Chu bak chu mumalin a la awm lova. Tin, Aizawl Central han ti mai ila, Aizawl lai tak, Assembly House awmna,

Governor thutna leh Aizawl hming phuah chhan pawh helai area hi a ni a. Hetilai Aizawl Central lai tak maiah hianin Science Stream hi a la awm ve lova.

Tin, Population hi a sang em em a, Govt. High School pawh pali a awm a, Private High School phei chu sawm (10) chuang a awm a ni. Chung ang hotena Matric an han zawh hian Science an zir chhohna turah hmundang hla tak tak, Aizawl South lamah St. Pauls High School-te, Government Higher Secondary School leh Chaltlang-te pan a lo ngai ta thin a, hei vang hian harsatna tam tak kan zirlai ten an tawk thin a ni.

Tin, kum hmasa lamah khan kan Education Minister pawhin Science Stream awm tur hianin a lo tiam tawh bawk a, chu a lo tiam tawh chu Government lamahte, DP & AR lamahte, Directorate lamahte engnge ni a fel lohna chhan lai ? Engvanga tun thlenga Minister zahawm takin commitment a lo siam tawh, mipui tam tak kalkhawm hma a, ruai theh meuha an lo tiam tawh kha, engvangin nge tunah hian tihfel a la nih loh ? tih kha ka zawt duh a.

Tin, a pathumnaah chuan, policy chungchang kha siam tumna a awm a tih kha lawmawm ka ti a. Helai hi han sawifiah lawk ka'n duh a. Kum 1992-ah khanin Dr. H. Thansang Minister lai khan Comprehensive Education an ti a, Primary School atangin M.E. School, High School kha an zawm khawm a, hmalak a ni a, a lawmawm hle a. Khami tum khan Deficit School zawng zawngte pawh Provincialised a ni chho ta a, thil lawmawm tak niin a lang a. Amaherawhchu, a hnu lawka Minister rawn awm leh khan, kha kha ngaihsak zui lovin tunah hian a tla darh leh ta a ni. Kha hun lai khan tha taka tih chu ni se, vawiinah hian Comprehensive School Education hi tha takin nei tawh tur kan ni a, chhonzawm loh kha a pawl em em a ni.

Tin, a pahnihnaah chuan, kum 1999 chhovah khan Pu F. Malsawma (Education Minister) khan Academic Session chungchangah hian ruahmanna a rawn siam a, April – March in a rawn thlak a, mipui pawhin harsatna kan tawk a. Engpawh nisela, thil tha tur zawkah chuan harsatna pawh tawk ila a awm tho a, thla li, thla nga lai kha School chawlh a awm reng a ni. Tah chuan naupangte kal sual mai thei tur pawh khan nu leh pa leh NGO te tangkawpin nasa takin tan lak a nih kha. Khatih lai khan ruahmanna kha tha hle dawnin ngaih a nih laiin, a hnu lawkah Minister dangin a rawn thlak leh a, chutah chuanin engkhaw sawi set set lovin January to December-in Academic Session kha a rawn thlak leh ringawt mai a ni. Khatiang anga kan school Education Minister-in an lo kalpui thin avang khanin vawiinah hian kan ram hian harsatna a tawk nasa ta mai a ni. School Education Department-te chu tawp ber nihte pawh an lo hlawh phah ta hial a ni. Khang ang chiah khan vawiinah hian kan siamthat a tul hlein ka hria a.

Tin, chulo lehah chuan pakhat ka sawi leh duh chu, ka zawt dawn a, ka zawhna ka sawifiah duh a ni Pu Speaker. Hei Class VII exam chungchangte pawh hi heti laiah hian harsatna tam tak a awm a. IV Grade turte, Police turte leh thildang reng rengah chuanin Class VIII Certificate an duh a, Class VII Board exam hi kan nei si a. Chuvangin helai Board Exam hian tangkaina a nei lemin a lang lova, Class VII Board Exam-te lah hi State Board atangin District-ah, a changin Centre level-ah an exam tir a, a changin District level-ah an tichho leh a, tunah State Board-ah lak leh a tum a. Education kalphung hi tihdanglam vak vak mai hi a awm thin avangin “Mizoram Education Policy chu engtikah nge siam peih a nih ang”? tih kha ka'n zawt duh a. Tin, Class VII, Board Exam hi kalpui zel tur nge tihtawp tur? tihtawp tumna a awm em ? tih kha ka'n zawt a ni e.

**SPEAKER** : Minister-in han chhang sela.

**PU LALSAWTA  
MINISTER** : Pu Speaker, Member zahawm tak zawhbelhna kha, nia, thil hnawk tam tak a awm a, hei hi Department-te nen uluk takin kan zir chho mek a, chuvangin a zawhna chhanna ka pek tawh 'tumna a awm em' tih bawk kha a rawn zawh leh avangin tun maiah chuan tumna chu a awm lova, inbuatsaihna erawh chu a awm a. Tin, pahnihna, Higher Secondary chungchang a rawn zawhna kha kan pawisa neih loh hi kan harsatna ber a ni mai a. Bial anga han sawi chuan kan bial East-II angte pawh sawn Higher Secondary School chu kan la nei lova, insem rual deuh pawh a ngai dawn a ni. Engpawh nise an inchawm tawk lo a ni tih hi Department hian a hria a, kan ngaihtuah chho ve zel a, pawisa lama kan harsatna hi kan mutan chu a ni a. Tin, Education policy chungchangah khan “engtikah nge?” tih a ni a. Tunah hian Education Reforms Commission din turin kan inbuatsaih mek a, chutah chuan kan Member-te pawn thahnemngai taka in finchhuahna leh thurawn thleng pawha kan inpek chhoh zel ka beisei a. Hei hian tuna kan sawi leh harsatna tam tak hi rawn chhawp chhuak fel turah kan beisei a. Chumi rual chuan Quality Education pawh hi kan herchhuah theih kan beisei a.

Tin, Class VII examination hi a tul em ni ? tih pawh hi, he harsatna hi kan hria a. Mahse, chu Education Reforms Commission law law chuan a rawn chingfel turah kan ngai a, kan buaipui chho mek a ni.

**SPEAKER** : Education Minister thenkhat hianin Cabinet emaw, Minister puite hriat lem loh hian rampum huap Educational and Academic Year emaw khatiang chawhchawrawi tumna emaw awm thin ang hi tun Sorkarah chuan awm lo se ka duh khawp mai.

**DR. R. LALTHANGLIANA** : Zawhbelhna. A changtute kan lo nihna laiah duh duha han inpuh kha a fel lovin ka hria. Zau taka inrawnin academic chungchang hi chu ngaihtuah kan ni. NGO te pawh kan sawm a, tin, kan zirlai pawl MZP te, MSU te leh khatiang pawl hrang te bakah expert hmun hrang hrang ami te pawh hengah hian consultation mumal taka thil ti kan ni a, a Minister-in a duh duha khatianga tihdanglam kha fel lovin ka hria a. Chuvang chuan kha kha a nih loh thu kha ka sawi duh a. Chuvang chuan engemaw ti zawnga mimal anga va tih kha fel lovin ka hria a, chu chu kan sawi belh a ni.

**SPEAKER** : Tuna Ex-Education Minister phei kha chu kan tih chhan a ni hauh lo.

**PU LALSAWTA MINISTER** : A zawhna atang khan Speaker chhan tur nge ka chhan tur tih pawh ka hre meuh lova, ka sawiah khan chuan khati zawngin ka sawi lova, a hnawh erawh chu a tam khawp mai, chinfel ngai a tam tih erawh hi chu thudik a ni mai a.

Tin, heng naupang School leh College-te hi guinea pig ang deuhva experiment neihna chi a ni lova, uluk taka zira, hnamdang tena an lo tih dante, khawvel changkang leh ramdangin an tihdante, chuta a tha ber leh kan tlin tawh ngaihtuah a, tih chi a niin kan hria a. Chuvang chuan a hmanhmawh pawh hi kan hmanhmawh lutuk thei lo a ni.

**SPEAKER** : Starred Question No. 43-naah kan kal ang a. A zawt turin Pu R. Lalrinawma i lo ko ang.

**PU R. LALRINAWMA** : Pu Speaker, ka lawm e. Ka zawhna Starred Question No. 43-na, Hon'ble Minister, Horticulture changtu min chhan atan -  
(a) Technology Mission for Integrated Development of Horticulture-in N.E. State atangin Mizorama Green House chi hrang hrang sak nan kum 2005-2006 atanga 2008-2009 chhungin pawisa engzatnge hmuh a nih ? (b) Heng pawisa hmuhte hi hman zawh vek an ni em ? (c) Kum 2009 – 2010 ah hian he Scheme hi chhunzawm tur a ni em ? A nih chuan, engtinngge beneficiary thlan an nih dawn ? Beneficiary tur thlanna tehfung engnge ni ? tih ka zawt e.



**SPEAKER** : A chhang turin Horticulture Minister Pu H. Liansailova i sawm ang.

**PU H. LIANSILOVA MINISTER** : Pu Speaker, kan Member zahawm tak Pu R. Lalrinawma zawhna chhanna - (a) Techology Mission for Integrated Development of Horticulture-in N.E. State atanga Mizoramin Hi-Tech Green House sak nana kum 2005 – 2006 to 2008 – 2009 chhunga pawisa a hmuh dan chu hetiang hi a ni - (1) 2005 – 2006 Rs. 149.50 lakh chuti zat chu hmuh a ni a, 2006 – 2007 financial year chhungin Rs. 641.88 lakhs a ni a, 2007 – 2008 kumah Rs. 120.90 lakh a ni a. Tin, 2008 – 2009 ah Rs. 121.88 lakh hmuh a ni. Tin, (b)-na zawhna heng pawisa hmuhte hi hman zawh vek an ni em ? tih chhanna chu, heng pawisate hi instalment-a release a nih avangin 2008 – 2009 pawisa hi hman a la ni lo. Zawhna (c)-na, kum 2009-2010-ah hian he scheme hi chhunzawm tur a ni em ? A nih chuan engtingge beneficiary thlan an nih dawn ? Beneficiary tur thlanna tehfung engnge ni ? tih chhanna chu, kum 2009 – 2010-ah hian he scheme hi chhunzawm tura ruahman a ni a, beneficiary tur hi uluk taka thlan a ni ang. Beneficiary thlan dawna tehfungte chu - (1) Buh chinna leilet zawl nilo, zawl a awm tur a ni. (2) Kawngpuiin a pawh tur a ni. (3) Tuihna kang chat lo a awm tur a ni. (4) Huan siam lama tui mi an ni tur a ni. (5) sum leh paiah harsa lutuk an ni tur a ni lo. (6) An awmchilh ngei tur a ni tihte hi ka chhanna a ni e.

**SPEAKER** : Zawhbelhna. Pu Duhawma.

**PU LALDUHAWMA** : Pu Speaker, kha kumli vel chhungin Green House sakna tur ringawt nuai sang chuang kan lo hmang tawh a lo ni a. Rose kan ching dawn emaw, thlai dang kan ching dawn emaw, Anthurium kan ching dawn emaw a nih hian a eizawn nana hmangtute harsatna ber chu Green House hi a ni ta a. Green House han sak dawnin pipe a lo ngai a, thirte a lo ngai a, ban pangngai hman a thieng si lova, Terrace nen Brick nen Cement nen khang zawng zawng nen kha chuan nuai sen a awl em em a ni. Chuvang chuan mi satliah, tawng mawilo nilo sela, khawsak harsa deuh tan chuan Anthurium hi chin ngaihna a awm miah lova. Heng ang hi eizawna tha tak a lo nih tak si avangin Sorkar hianin tuna a criteria, beneficiary thlanna tur criteria ang zawm zote hnenah kha chuan Green House hi uar zawkin a sak sak theih em ? Green House ber an sak sak theih chuan a dawt leh enkawl hi chu a nuam a, a har tawh lo a ni. Green House ber hi miten an tlin lohna lai a ni a. Tin, khang ang criteria a awm chung khan a hlawhtling lote pawh hian an dawng niin a lang a. A hmuna ena tih tak taka eizawng duh an awm a, chungte chuan dawng ngei sela a tha hle a, strick lehzualin min kalpui thei angem ? uar zawkin bul tan nan Green House hi kan ti thei angem ? chumi ber a awm tawh chuan a bak hi chu an in manage ve thei tawh a ni tih ka zawt ve duh a ni.

**SPEAKER** : Chhan a ngai em ? Han chhang sela, Minister-in.

**PU H. LIANSILOVA  
MINISTER** : Pu Speaker, zawhna pawimawh tak niin ka hria a. Tuna kan sawi tak kha Hi-Tech Green House a ni a. Hei hi Technology Mission hnuai atanga pek a ni a. Tin, a dawngtu tena ram an neih tur leh an neih

dan tur leh mamawh tur pawh kha sawi sa a ni a. Hengah hianin Company leh a tihsaktute atanga a mamawh tur zawng zawng kha rawn pek a ni thin a. Tuna zawhna kha Department pawhin an lo ngaihtuah mek a ni a, Hi-Tech hnuai pek niloah hian a structure-ah hian a man a to fu mai a, churang chuan a tlawm deuh zawnga tihdante ngaihtuah a tha lawm ni tih hi kan Department hotute ina an lo ngaihtuah mek a ni a. Hetia kan luh hnuah pawh kan sawiho tawh a, kan Maute pawh hi chang zawng deuh leh chhah deuh zawk hi hemi a pipe thlakna atan hianin hemi a Upper Link angahte hian hmang ta ila, tihte kan ngaihtuah a. Amaherawhchu, Maute a lo tam avangin leh a ngaihtuah dan tur technology-te kha la sawifel a la nih loh avangin chutiang tak chuan kan kal dawn tih kan la sawi thei mai rih lo a. A tlawm deuh zawk leh mitam zawktena kan avail theih tura kan Green House hi kan hotuten, kan mithiamten ngaihtuahna an hmang mek a ni tih kha ka chhanna ni rih selangin. Tin, a hlawhtling chho zel dawn pawhin kan beisei a, a ti chhunte keimah pawhin ka'n hmuh chinah chuan.

Tin, kan ramah hian kan thalai hote tan hian Agriculture-a eizawna hi a kawng kan kawhnmuh a, heti lam hawi zawnga hruai kan tum pawh hi pawimawhin ka hria a. Thalai zawng zawng maiin a kawng dang kan ngaihtuah vek mai hi chuan tuna kan rama kuthnathawktu kan tihte hi kum 50 chuang vek mai an nih tawh avangin heng Green House-te leh tunlai technology hmanga thalaite pawhin Agriculture-a eizawna kawng an rawn dapa an rawn tuipui theihna tur hian hmalakna turin rilru siam mek a ni a.

Tin, Land Use hnuai pawh hian heng Green House-te leh tunlai technology hmanga kan thlaite leh harsa zawk ten an phak tawh leh an thatpui tur eizawna ngaihtuah hi kan Department hotute rilruah lian takin a awm a, inbuatsaihna a awm mek e, tih kha ka chhanna a ni e.

**SPEAKER** : Tunah Starred Question No. 44-naah kan kal ang a, a zawt turin Pu C. Ramhluna i lo ko ang.

**PU C. RAMHLUNA** : Pu Speaker, ka lawm e. Ka Question hi question No. 31-ah khan hetiang lek lek hian zawhna kha a lo kal tawh a, chhan kha a ni tawh na a, vawiina ka zawhna hi tlemin a dang deuh hlek a. Rural Development Minister zahawm tak chhan atan Starred Question No. 44 - (a) New Land Use Policy tihhlawhtlin nan hian Sorkarin sum neih sa engzatnge kumin 2008 – 2009 atan a neih? (b) Heng sum hmang hian hna hi thawh tan a ni tawh reng em? (c) NLUP hi 2009 – 2010 chhungin chhungkaw engzatnge tanpui theih ni ang? tih ka zawt e.

**SPEAKER** : Chhang turin Pu R. Lalzirliana, Rural Development Minister i lo sawm ang.

**PU R. LALZIRLIANA  
MINISTER** : Pu Speaker, Pu C. Ramhluna, Lawngtlai ‘W’ bialtu MLA zahawm tak zawhna chhanna (a)-na chu - Kumin 2008 – 2009 atan sum neih sa Sorkarin a nei lova, Sorkar hmasain NLUP Scheme Project an neih loh avang a ni. Chutih laiin, kumin 2009 – 2010 financial year atan hian nimin lawka interim budget kan Chief Minister zahawm takin a pharhah khan nuai sing lai a lo lang a. Planning Commission phei chuan nuai sing leh sang hnih lai min earmarked sak zawk nghe nghe a ni. Tin, (b)-na chhanna chu - Sorkar hmasaa MNF Ministry khan NLUP a nei ve loh avangin he hna hi thawh tan a la ni love tih a ni a. Tin, (c)-na chhanna chu - Ruahman mek a ni a, beisei leh tum lawk dan chuan chhungkua sing hnih aia tlem lo tanpui hman beisei a ni. Family sing hnihin bul lo tan sak ta ila, kum khat atana first instalment-ah Rs. 30,000/- in pe theuh pawh ni ila, nuai sang ruk chauh hman a ni dawn a, a bak nuai sang li chu vawikhata nuai khat emaw a aia tam emaw administrative lost-ah te la dah pawh ni ta sela, chhungkaw sing 2 hi chu tanpui theih ngei tura beisei a ni a. Amaherawhchu, hei a hun hi a tepter tawh a, lo vah, lo lam nei tur, huan lam nei tur tan phei chuan a harsa tawh maithei a, ram hran hran va vat a, thlai chi va chin tir theih kha a ni lovang a, a compact deuh hlek a tih tur a ni ang a. Chutiang phei chu ni lo selang chuan, kuminah hian mi sing thum lai pawh tanpui theih tura ngaih a ni. Chu chu ka chhanna a ni e.

**SPEAKER** : Zawhbelhna, Pu C. Ramhluna.

**PU C. RAMHLUNA** : Chhanna tha tak kan dawng a, a lawmawm hlein ka hria a. Chumiah chuan zawhbelhna pahnih neih ka duh a. Hmanni khan kan House Leader zahawm tak khanin cheng nuai khat kan pe ang tih hi kan sawi ngai lo tih kha House-ah min hrilh niin ka hria a. Tichuan, hei, Mizoram Congress Party Election Manifesto-ah khan ‘cheng nuaikhat’ tal pek kan

inhuam dawn a ni' tih kha ziah a ni a. Project hlawhtling ngei tur tha bawk siah chuan hei ai tam daih pawh sen a inhuam dawn a ni tih kha a lo lang a. Tichuan, hei hi Sorkar hianin cheng nuaikhat pek kan intiam ngai lo an tih laia helai hi a lo lang bawk si hi Sorkar hian ngaihtuah chianga cheng nuaikhat thleng thleng hi a ngai lo ni tain a ngai ta deuh em ni tihte ka zawtbelh duh a.

Tin, chubakah chuan hemi question No. 31 chhannaah khan nichina Minister zahawm takin a sawi tak ang khan, cheng vaibelchhia 120 kan dil a, Planning Commission-in 2009 – 2010 atan khan min pawm sak tiin chhanna kha a awm a. Nimahsela, nimina Budget Speech-ah khan Interim Allocation atan hian cheng vaibelchhia 100 kan dah a ni tih kha a ni bawk sia a. Hemi a nih chuan cheng vaibelchhe 120 kha Planning Commission-in a phal sak si chuan engatinge Interim Budgetah pawh kan dah zawk mai loh tih lai kha ka'n zawt belh duh e.

**PU B. LALTHLEGLIANA** : Pu Speaker, zawhbelhna, i vei lamte pawh hi melh zau ve deuh thin la a tha mange aw (Speaker : Ka melh viau chuan ka hria a sin) Kan Rural Development Minister zahawm tak ka'n zawhbelh ve ang a. He NLUP thlan dan tur, beneficiary thlan dan tur criteria hi eng angin nge in duan tawh tunah hian ? tih ka zawt e.

**PU P.P. THAWLA** : Pu Speaker, zawhbelhna. Nikum 2008 lamah khan MIP pawisa nuai 210 te, nuai 150 te hmanna atan khan Scheme tenau te te tam tak siam a awm a, chumi sum chu NLUP lama dah vek a ni tih kha hriat hnuhnun ber a ni a. Chung chu 2008 – 2009 sum awmsa, kum 2009 atanga hun kal tura hman tur a ni mai lawm ni ? Kha kha engti zawnga hman tur nge tih ka zawt belh e.

**SPEAKER** : NLUP, MIP kha Agriculture lam a ni a, Rural Development lam kha chu an hre lo maithei a. engpawh nise, han koh tur chiah pawh Chair atangin ka hrethiam ta meuh lova. Kan House Leader ko leh tawp mai ang. (Pu Lal Thanhawla : Zawhna neitu khan chhang phawt sela, a tul leh Agriculture Minister pawh a awm thova, a lo tanpui mai ang chu ). A nih leh Rural Development Minister i sawm phawt mai ang.

**PU R. LALZIRLIANA** : Pu Speaker, Pu Ramhluna zawhbelhna kha  
**MINISTER** nuai khat kan sawi ngailo Chief Minister-in  
a ti si a, hei in Manifesto-ah khan nuai khat  
tal emaw a aia tam emaw a aia tlem emaw tih  
kha a ni a. Kan Chief Minister sawi  
kha a dik reng mai a. Nuai khat kan pe ang tih kha kan sawi ngai lova, nuai khat tal, a  
aia tam zawk, a tul pawhin chutiang chu kan ti ang a, tih kha a ni a. Chuvang chuan,  
nuai khatah hi chuanin a tul chuan a Scheme a zirin kan ding tlat a ni tih kha ka'n  
sawi duh a. Tin, a Scheme-in nuai khat han hawlh phak miah lo tanpui ngaite tanpui si  
a, ding chhuak tur an awm maithei a. Chuvang chuan chutiang ang chu a huam lem lo  
a ni tih kha ka'n sawi duh a.

Tin, kan NLUP hi kan Manifesto-ah pawh kan  
ziah a ni a, kan ngaihpawimawh ber a ni a. Chuvangin retheite chhanchhuah nana thil  
tha a ni tih kha kan hria a, helai hi chu kan ti ngei dawn a. Min rawn phurpui a, kan  
lawm khawp mai Opposition lam pawhin khalai kha lawmthu ka'n hrilh duh che u a.

Tin, a pahnihnaah hi chuan Interim Budget a ni  
a, kha kha interim a ni a, thla 4 chauh atana rawn pharh a ni. Chuvangin a vai vai  
kha a ngai lova, duh aiin a rawn ti tam mah mah zawk em ni aw ka ti a, a tawh hlein  
ka hria a. Chuvangin nakinah a sawi ang khan Planning Commission-in Plan-te min  
final sak hunah nuai 1200 kha chu kan dah belh leh mai dawn a ni.

Tin, Pu Thlenga zawhna kha chu a criteria hi  
tunah kan ti dawn tan chauh a. A hmasaah kha chuan NLUP-ah chhungkuua Sorkar  
hnathawk awmlo mahse IV Grade te, M.R. te kha chu an dawng thei tho ang tih a ni  
a. Lo nei chauh ni lo, Industry lam tea tanpui ngaite a ni. A hmasa nen khan a  
danglam tam vak lovang.

**PU B. LALTHLENGLIANA** : Pu Speaker, Point for Clarification V/C  
inthlan dawn lai leh vawiin M.P. inthlan dawn  
campaign an kal chhoh lai mek zel hian  
thingtlang lama in mi leh sate chuan Congress  
chauh thlan tur a nih thu hi Campaign nan an hmang nasa. Chuvang chuan, an rilru tak  
tak pawh ni lemlo mi tam tak party dang atangin an lo lut ni tein a lang a, khalai ah  
khan Congress chauh kha nge in thlan dawn party dang mite pawh tih kha min hrilhfiah  
thei ang em ?

**PU R. LALZIRLIANA** : Pu Speaker, a lawmawm khawp mai.  
**MINISTER** Engemaw zawnga han ngaihtuah chuan Lal Isua pawh hi a ringtute lo chu a chhandam dawn chuang lo. Hei ang deuh hian NLUP kan tih hmasak khan bial khatah khua kan han tuam a kha chu an vaiin eng party pawh kan pe vek mai a, khatah khan Lal Thanhawla Manifesto a nia, Congress Manifesto a nia, tihpuitlin a ngai hleinem, pawisa kan dawn tawh chuan a tawh a lawm ti kha an tam mai a, chu chu kan hlwhchhamna niin kan hria a. Chutiang chu ni mahsela, mi zawng zawng daih tur a ni a. Amaherawhchu, lo kan neih pawhin Fanghma leh Vaimim thar hmasa chu thenawmte va pek hmasak ngawt chu kan ti ngai lova. Chuvangin a tipuitling tur tak takte hetah hian thlan an ni dawn a ni. Amaherawhchu, eng party mi pawh han tih khan a lehlamah chuan tunah hian sawi ta ila, kan rilru chu a tha a, mahse a bawplawkah lak an ching a. Chief Minister zahawm takin V/C thlan dawn khan a campaign-naah eng V/C pawh hi angkhatin kan en dawn a ni a ti a, chu chu party thenkhatten a bawplawkah an la a, V/C Ruling thlan a ngai chuang reng reng lo, an rawn ti ta tlat mai a, kan buai phah lek lek a, keimahni ang rual hi chu. Amaherawhchu, kan Chief Minister rilru tha kha Pathianin mal a sawm a, nidang zawng aia tam V/C thlanah chuan hnehna sang ber kan neih phah ta zawk niin kan hria a, a lawmawm hle a ni.

Engpawh nisela, a tihlawhtling duhtute kha chu a huam dawn a ni tih kha ka sawi duh a. A hmasa lamte kha chu beisei ngam turah pawh hian an nei lo maithei, party dang chuan, an mahni zawk hian, khalai kha ka han sawi theih a ni a.

**PU B. LALTHLENGLIANA** : Pu Speaker, kan ngamna chhan tur a awm  
a, hleih nei lo Sorkar kan din dawn tih kha he  
Sorkar piantirh phat atanga an sawi tam ber  
kha a ni a, kan ngaithla a, kan hre tam  
a. Vawiinah thla thum lek a kal a, NLUP hma an han la dawn a, khati zawnga tawng  
a awm leh si chuan hleih nei Sorkar kan siam leh dawn a va ang awm ve ?

**PU R. LALZIRLIANA** : Pu Speaker, a bawplawka zu lak chuan a  
**MINISTER** ngaih ve theih mai theih e. Amaherawhchu,  
kum 5 mai atan kan ti lova, kum 10 project-  
pawh a ni ang a, chutah chuan kuthnathawktu  
Mizo zawng zawng daih tur a ni tih kha  
kan sawi tam ber a ni. Chuvangin, a hnuhnung deuhthe pawh kha a hmasain a  
eizawh hnu khan an hmu ve mai dawn a. Chuvangin kan tan hleih neihnaah pawh  
kan ngai chuang lova, a tha viau tho maithei a ni. Mi kawr thar lei kha an lo hak chul  
hnuin midangan kawr thar dang nei ang deuh kha a ni.

**PU B. LALTHLENGLIANA** : Khatianga in tih chuanin a area phase khan in ti mai thei a, vawikhatah Mizoram pumpui kha in cover thei lo maithei a, Congress party chauh ka bialah pe ula, in kal kual zel ang a, khawthlang lam tih hunah khan East Tuipui han pek leh kha chu a va buaithlak duh awm ve ? Chuvangin vawikhata hma fel law law kha a hahdam thlak zawk lawng maw ?

**PU R. LALZIRLIANA MINISTER** : A dik khawp mai a. Amaherawhchu, kan lo tih tawh danah khan tumna kan nei deuh a ni. Chuvangin, hei min lo tuipui khawp mai a, MLA thlan hmatae khan lo tuipui ve law law ulang chuan hei aia tam deuh pawh hi in tling maithei turah ka'n ngai deuh a, kan lawm khawp mai. Tin, Pu Thawlla, Palak bialtu zahawm tak kha engnge ni, khawngaihni min zawt nawn leh teh.

**PU P.P. THAWLLA** : Pu Speaker, nikum lampanga MIP sum nuai 210 Land Development-a hman atan tih ruahman sa kha NLUP lama hman turin divert a ni e, tih kha ka thudawn dan a ni a, chu chu a dik reng em ? Tin, Scheme siam sa anga hman leh kha a ni tho ta em ni ? tih ka'n zawt belh a ni.

**PU R. LALZIRLIANA** : Ka hre lo i ti mai ang. MIP lam kha chu ka hriatpui ve miah lo, chu chu ka chhan theih dan che a ni.

**PU LAL THANHAWLA CHIEF MINISTER** : Pu Speaker, “huan neitu thawkrim, huan rah pawh a ei hmasa tur a ni” Bible-in a ti a. Huan neitu thawkrim chuan a rah a ei hmasak kha tu thik phak a nih ka ring lo. Tin, kan experience hi a tha lo khawp a, a pawh khawp mai, hleih neih kan tum lo. Sorkar hmasa ang em em phei kha chuan kan kal dawn reng reng lo, ka chhia leh tha hriatna Pathianin min venhim sak chhung chuan. Amaherawhchu, tu party pawh kan pe vek a, hun hmasaah khan, an dawn rual khan Pu Speaker, “hei Congress nih pawh a lo ngaih loh hi” an ti a, an thlar pup pup a, “engtingge ni, ka hman dawn le?” te an ti mai mai a. Zu leh sa nen nawmchen nante an hmang a, chutianga vel chu an tam a ni, khatiang chi kha chu kan pek ka ring lo. Tin, Mizo chu kan tlem a, kan inhre vek, a hmang dik tur leh a hmang tangkai tur leh Sorkarin a tum anga tihhlawhtlin tumtute chu eng party ami pawh nise, kan pe dawn. Chuvangin hleih neih lampang a kawka lo a. Amaherawhchu, khami kan kal chhohnaah khan a huan neituten thawhrimna rah kha an lo ei hmasa a nih pawhin Bible-in a sawi miao a, tu thik phak a nih ka ring lo.

**PU NIRUPAM CHAKMA** : Pu Speaker, zawhbelhna. Congress Sorkar hmasa khan kum 10 chhungin hei NLUP kan kalpui tawh a, chutah party party sawi lovin mi zawng zawng an pe ta a ni a.

Khatai laia Congress ho chu Chhimtuipui District, tuna District Council hi a ni a, inthlan apiangah Congress nasa takin kan thlang thin a. Amaherawhchu, NLUP pakhatmah kan hmu lo. Chuvang chuan tuntumah chuan min duhsak dawn lawm ni tih ka sawi duh a ni.

**PU C. RAMHLUNA** : Pu Speaker, NLUP hi Flexy Scheme of the Congress Party a nih avang hian kan tuipui viau lo thei lo a, kan ram heti hi a ni a. Chuvang chuan, kan ram chhanchhuahna atan a tha a, kan ngaihtuah kha a ni a.

Thingtlangah pawh han kal ta ila, NLUP-ah nuai khat dawng tura inngai vek hi an ni a. Chuvang chuan nichina kan Minister zahawm takina an duh dan kha lungawi thlak loh mai awm mange aw ka ti a, ka ngaihtuah deuh hlek a. A scheme a zira nuai khat tling lo thleng pawha pek tumna, cheng singnga/singruk, inthlau nuaia pek tumna ang khan a lang tlatin ka hria a. Kha kha kan zirtir dan kha a ni lo deuh em? Mipuiin an lo conceived danah hian nuai khat hi chu hmu ngei ngei tura inngaihna hi an nei hian a lang si a, khalai kha inzirtirna kan pek dan hi a dik tawk lo nge ni a, engtin nge he thil kalphung hi, rilru tha takin a nia ka sawi ni, khalai kha min lo ngaihtlak sak ula a thain ka hria. Kan ram mipuite hi engtin nge kan inzirtir dawn? Khalai tak mai kha. A chhan chu nuaikhat hi a ri lian hle si a, chuvang chuan, a aia tlem an chan khan mipui an lungawi lo thei tlat mai a ni. Khalai tak mai kha min han hrilhfiah Chiang lehzuol deuh ta sela, kha thil kha engtin nge a lo chhuah dan a kha, mipui hnenah engtin nge kan explain ve tak ang hian tih kha hriat chian ka duh deuh hlek a.

A pahnihnaah chuan, Govt. of India level-ah Land Use Policy fel tak a awm a, a sang ber hi Forest nisela, a middle level-ah Horticulture awm sela, a lowest level-ah Agriculture, hetiang deuh hian Govt. of India khan tunhma deuh atang khan National Land Use Policy an lo siam a, khatiang kha Land Use Policy kan siam dawn khan kan rilruah hian a lang em? mipute hnathawh tur ringawt hi kan ngaihtuah anga, kan ram engtingge a lo awm dan tur ni ang tih hrim hrim te pawh hi ngaihtuahnaah hian a tel em? tihte kha ka'n zawt tel duh bawka a ni.

**PU LALDUHAWMA** : Chhanna kan dawn atang khan a phena kan hotute rilrua awm chu vawiina helaia awmte leh min lo thlirtute hian an hriat thiam ka ring a. Kha kha kan ram tana tha an ti a nih chuan an thu a ni a, an ti mai ang a.



Ka'n zawh duh chu, V/C-ah te pawh hian Ruling V/C apiang hian hna an thawk tha lo zawk, an corrupt duh zawk, chhantu neiah an inngai tlat, Opposition V/C te chu an that vang pawh ni chuang lovin, dissolve-te an hlau a, chhuite an hlau a, an dik zawk fo thin. Chutiang chiah chuan NLUP beneficiaries-ah pawh hian Block/Unit a mi tangkaite chuan lo misused viau mahse an ngampa zawk ang tih hi ka ring tlat a. Opposition ho bawh hian an utilised tha zawk ang tih ka ring a. Chuvangin khangte kha a hlawhtlinna kan duh tak tak a nih chuan priority-ah khan an tel ve theih lawm ni ? Tin, anmahni mitangkaite, hmang tha miah lote kha lo awm sela, khangte kha chhuizuiin, action an la ngam tak tak angem ? tih ka zawt duh a ni.

**SPEAKER** : Question Hours a tawp chiah a, Minister khan han chhang leh hram se, khang zawhna kha.

**PU R. LALZIRLIANA  
MINISTER** : Pu Speaker, Pu Ramhluna zawhna kha a pawimawh khawp mai, zirtirtuin Mathematics-te min zirtira, mahse, a ngaithlatu ngaihthlak dan kha a lo dang daih ve thei a ni. Chuvangin kan campaign laia kan sawi dan pawh kha a ngaithlatute ngaihkan kha a lo dang ve daih thei a. Chuvangin a Scheme-in a ken ang ang kha Rs. 50,000/-, Rs. 40,000/- lek chu kan sawi lo hrim hrim a, Rs. 1,00,000/- a hawlh loh deuh pawhin, a Scheme-in a hawlh loh deuh pawhin tih leh cheng nuaikhat chung a an awm pawhin chung chu pek theih a ni ang, tih hmasakah pawh Industry-a Rs. 30,000/- theuhin kan tanpui ang kan ti a, mahse, Industry lam titute chu Rs. 40,000/-, Rs. 50,000/- dawn laite pawhin a tawp lamah chuan kan pe a. Chuvangin cheng nuaikhat chuang pawhin kan tanpui thei ang kan ti a. Kha kha kan sawi dan a ni a, mipui lo ngaithlatute leh a zirtirtute inkarah khan tunge dik zawk tih kha chu zuk hriat a har khawp tawh mai. Keiniin kan sawi dan chu tuna ka sawi dan kha a ni mai e, tih a ni. Hei hi zawhbelhna chhanna a ni.

Tin, pahnihnaah, Forest hi kan ngaih pawimawh ber a nih avangin NLUP hi kan ti a ni, tih hmasakah pawh khan, he Scheme hi hman kan duh a ni. A chhan chu, lo kan vat a, ram kan chuk lawr zung zung a, kan hal a, hmuntin kan hal a, ram a kang lo thei lova, tikhan, kuminah te phei chuan a kang nasa leh zual a ni tih kan hria a. Chuvang chuanin, lo, huan ram nghet hi nei selangin, tiang chuan kumtina lo vat tawh lovin, kan Forest-ah te pawh hian Sava te, Ramsa te kan kohkir lehna remchang tak a ni ang tih kan beisei avangin he thil hi tih a ni. Forest kha kan ngaipawimawh hle a ni tih kha kan han chhanna ni selangin.

Tin, Pu Lalduhawma, West-I bialtu zahawm tak zawhnaah khanin V/C ah pawh Ruling V/C an corrupt duh zawk tih kha chu kan hmaa kum sawm awmah khan an lo corrupt zawk a nih chuan ka hre lova. Keiniah chuan an corrupt zawk tih kan hre ngai love, kan V/C te hi. Tin, kan Ruling Party-te khan an lo misuse a awm a nihin in hrem ngam angem ? tih kha chu kan hrem ngam dawn,

tumah zuah an ni lovang tih hi kan sawi dan a ni. Keimahni Party hlanga NLUP chungchang kan sawi pawhin kan V/C te leh thingtlanga kan sawi pawhin tunhma anga diklo taka in hmang a nih chuan tumah kan dim dawn lo che u a ni, kan ti a. Chutah chuanin keimahni mai kha a endiktu tur kan ni tawh dawn lova, Social Audit-te kan ti dawn a, chuta tan chuan kan inthlan hma khan Pu Speaker, kan University Lecturer-te Proffesor-te khatiang ang hote pawh kha kan sawm a. heng ho min endikpui tur leh a monitoring-te pawh ti turin kan sawm nghe nghe a ni. Chung chu nakinah kan hotuten an la rawn duang chhuak dawn a ni. Chuvangin Social Audit kan ti ang a, Ruling Party-a titha duh lo, lo hum kan nei a nih chuan min sawi mualpho ve mai turah kan ngai a ni. Chu chu ka chhanna a ni e.

**SPEAKER** : Tunah chuanin kan zawhna hun a lo tawp ta a. Vawiinah hian Member pahnih lo kal theilo kan nei a, Brig T. Sailo leh Pu S. Laldinglana, midang chu kan kim e.

Tunah Laying of Paper-ah kan lokal ang a, Pu Lalrinliana Sailo, Minister zahawm takin “The Mizoram Building and other Construction Works, Regulation of Employment and Condition of Services Rules, 2008” hi House dawhkanah han lay sela.

**PU LALRINLIANA SAILO MINISTER** : Pu Speaker, i remtihna leh he House zahawm tak phalna in “The Mizoram Building and other Constructions Works (Regulation of Employment and Condition of Service) Rules, 2008 hi ka lay e. Thank you.

**SPEAKER** : A copy kha han sem ula. Khami a copy sem chhung khanin hemi Dan hi a chhah tham viau mai a, saptawng a ni lehngal a, kan worker-te hamthatna tur chuan workers saptawng thiam pawh kan tlem maithei a, a zotawng hi an siam em ? (Pu Lalrinliana Sailo, Minister : Pu Speaker, ka rawn tum ang e) Aw, a lawmawm e, kan worker tam ber hi khatilai kha hrethiam lo an ni thei a.

Tunah Pu S. Hiato, Minister zahawm takin correction of replies to starred question No. 13, Pu R. Lalrinawma’n ni 18.3.2009-a a zawhna leh correction of replies to starred question No. 22, Pu K. Liantlinga’n dt. 19.3.2009-a a zawhnate kha House Dawhkanah rawn lay sela, i lo sawm ang.

**PU S. HIATO  
MINISTER**

: Pu Speaker, ka lawm e. Member zahawm tak Pu R. Lalrinawma'n Dt. 18.3.2009-a a zawhna No. 13-na typing mistake avangin pawisa tih tur kha rupees tihin chhut palh a ni a, chu chu correction he House-ah hianka rawn lay e.

Tin, a pahniha Member zahawm tak Pu K. Liantlinga'n ni 19.3.2009-a a zawhna No. 22-na kha, hei hi Pu Speaker, tlem sawi ve ka duh a. Kan zirlai pawn saptawng hian lehkha ka han zir a, mizotawngin kan letling a, Mara tawng hian ka confirm thin a. Chutiang bawkin tuna zawhna chhannaah khan saptawng leh mizotawng a nia, Mara tawng a ka lehlin kha ka chhanna kha chu Mara tawng chu a dikin ka hria. Mahse, khata lakhs tih leh a maktaduai tih kha tlem tihsual a awm a, chumi correction chu ka rawn lay bawk e. Ka lawm e.

**SPEAKER**

: Tikhan a copy kha sem nisela. Financial Committees a ni a, Assembly-ah hian Financial Committee pathum, Public Accounts Committee, Committee on Estimates leh Committee

on Public Undertakings te kan nei a. Heng Committee pathuma Member turte hi kan dan 'Rules of Procedure and Conduct of Business in Mizoram Legislative Assembly' Rule, 203-nain a sawi angin a thlan a thlan tur a ni a. Hemi inthlanna tur atan ni 19.3.2009 khan Parliamentary Affairs Minister, Pu Lalsawta'n motion a rawn pulut tawh a. Inthlanna neih ni atan vawiin ni 24.3.2009 hi ruat a ni a. Dan ang thlapin nomination pawh party hrang hrang atangin dawn a ni a, huntiam chhunga nomination kan dawnah Committee tina member awm thei zat aia tam nomination kan dawn loh avangin inthlan kher ngai lovin Legislator Party tinin kan nominate-te hi tlinga puan theih an ni a. Tichuan, heng a hnuai amite Financial Committee pathum kan nei member atan chuh lova tlinga puan an ni: -

Public Accounts Committee : (1) Brig. T. Sailo (2) Pu B. Lalthlengliana (3) Pu Lalduhawma (4) Pu K. Lianzuala (5) Pu C. Ramhluna (6) Pu K. Lalrinthanga (7) Pu T.T. Zothansanga.

Committee on Estimates : (1) Dr. R. Lalthangliana (2) Pu Nirupam Chakma (3) Pu K. Liantlinga (4) Pu R. Lalrinawma (5) Pu Lalrobiaka (6) Pu Joseph Lalhimpua.

Committee on Public Undertakings : (1) Pu P.P. Thawlla (2) Lt. Col. Z.S. Zuala (3) Pu Hmingdailova Khiangte (4) Pu R. Selthuama (5) Pu R.L. Pianmawia (6) Pu Lalthansanga.

Heng hi tlinga puan an ni a. A Chairman lam chu Speaker lamin a la rawn tifel ang.

Tunah Legislative Business-ah kan lo kal dawn tawh ang a. Hei, thil pawimawh deuh mai tihtur kan nei dawn a ni. Kan ramah Mizoram State kan nih hnuah emaw chuanin thil tharte pawh a ni awm e. Kan House Leader, Chief Minister zahawm takin House-a Bill a introduce tawh, hun remchangah

kan ngaihtuah ang kan tih kha, vawiinah kan la ang a, kan Chief Minister zahawm takin “The Mizoram Parliamentary Secretaries (Appointment, Salaries, Allowances, Miscellaneous Provision) Bill, 2009” chu ngaihtuah phalna rawn dil pahin rawn move nghal mai se, i lo sawm ang.

**PU LAL THANHAWLA CHIEF MINISTER** : Pu Speaker, i remtihnain he House-ah hian “The Mizoram Parliamentary Secretaries (Appointment, Salaries, Allowances and Miscellaneous Provision) Bill, 2009” hi move-a, min consider sak turin ka rawn pharh e.

**SPEAKER** : Kha kha kan phalsak nghal mai thin a ni awm e. Phalsak i ni e.

**PU LAL THANHAWLA CHIEF MINISTER** : Pu Speaker, ka lawm e. Ni e, i sawi ang khan Parliamentary Secretary - te hi Mizoramah kan la nei ngai lova. Mahse, India ram hmundangah chuan thil thar a ni lova. India Sorkar laipuih pawh an lo nei tawh thin a. Tin, India ram state tam takah an nei tawh thin a, an la nei mek zel bawk a. Chu chu remchanna riau a awm niin an hria a ni. Tin, tunhmain kan Council of Ministers-te pawh hi Pathian khawngaihna mipui zarah keimah ngeiina ka siam pawhin 12 aiin kan tam thin a, tin, state dangah pawh chutiang chu an ni a. Tunah hian member 60 awmna chinah chuan “Council of Ministers hi 12 aiin a tam tur a nilo” an tih hnuah hian state tam tak pheih chuan harsatna an tawk a. Entirman, Nagaland-te angah chuan a major tribe ringawt pawh 14/16 vel lai emaw an awm a, khang khan representatives an neih loh chuan harsatna an tawk thin a. Chutiang deuh chuan a Region-wise pawhin state lian deuhthe chuan harsatna an tawk a. Chungtianga han inhnawhkah nan leh Sorkar efficiency tihpunna tur atan pawh an hmang thin a ni. Keinin tuntumah hian, hun hmasaah pawh khan hetiang zawnga kal lovin, a Adviser zawng ten an kal a, kawng tam taka tangkaina leh thatna Sorkar tan pawh a awm ka ring a. Amaherawhchu, khatiang zawnga kan kal rau rau a nih chuan, “temporary leh phuahchawp lovin Dan awm thlapin kal ilangin a dik ber ange” tiin kan hotuten an ngaihtuah a, chuvangin, Parliamentary Secretaries-te kan han insiam ve pawh khan Minister-te a tul ang anga tanpuia chhawk zangkhai turte, finchhuah turte, thurawn pe turte an nih dawn avangin, File-te pawh an en ve a ngai ang a, Sorkar lehkha pawimawh tam tak an en ve a ngai ang a tih thuah, Oath of Secrecy leh leh Alligience-te pawh lak tir ve vek an ni, hmundanga tih danin. Chutiang chuan siam an ni a. Tin, hemi kan han duhna chhan berte zingah hian thil tam tak a awm a, chung zingah chuan kan ramah Sorkar chak tak leh Sorkar thil tithei tak siam kan duh avangin chung kawngah chuan Council of Minister 12-ah hian kan leng lovin kan inhria a, thangthar kum naupang lehkha thiam zawk, mithar ringawt pawh hi keini hian 16 lai kan nei a. Chung angte pawh chu hun lo la kal zel turah kan ram kan hnamin an

chhawr tangkai theih zawkna turin Sorkar kalphung leh nihphungte hriatna tur atan hetiang hi siam ngaiin kan hotuten an hria a ni.

Tin, Minister pawh a thiam ber leh fel berte kan ni hauh lova, chuvangin chutiang kawngah pawh chuan tanpuitu turte kan mamawh vek a. Chutiang atante chuan an thiamna, finna leh hriatnate hman tangkai kan hotuten an duh a ni. Chungte avang chuan Parliamentary Secretaries hi tula hriatna a awm a. Tin, sum sen zawngah pawh hian theih chen chen inhrek a tul a, chuvang chuan waviinah hian hetiang tih hi a tula hriat a ni. Chungte avang leh that zawkna tam tak a awm a, chu chu a tlangpuia ka'n sawi theih ni mai se.

Chuvang chuan, Parliamentary Secretaries-te hi keini hi chuan kan mamawh a ni tih kan hria a. Chuvangin Parliamentary Secretaries-te awm se kan ti a, kan lo siam ta a ni. State dangah leh Central-ah te pawh dan tlawhchhan mumal takte an nei vek a, keini hian han hman ve mai theih a nilo tih kan hriatin tuna "The Mizoram Parliamentary Secretaries (Appointment Service, Allowances and Miscellaneous Provision) Bill, 2009" hi kan lo duang chhuak ta a, Governor-in min remtihpuina angin kan introduce tawh a, tunah he House zahawm takah hian min pass sak turin ka rawn dil a ni.

**SPEAKER** : Kan Bill kha move a ni ta a, kan sawiho dawn ang a. Member tin minute nga (5) pe ila a tha tawk em ? In chhiar vek tawhin ka ring a.

**DR. R. LALTHANGLIANA** : Tihdan phung kan nei a, hei kan programme-ah hian hei bak hi chu Business tih tur kan nei lemlo bawk a, kan vaia sawi tur chi ani lem loh hmel bawk a, tam tak pheih chuan an sawi lo maithei a, uluk deuha kan la neih ngai loh thil tharte hi a ni bawk a, minute nga (5) chuan a harsa deuh ang a, minute sawm (10) kan tihdan phung ang khan kal ta ila a tha leh mai lo maw ?

**SPEAKER** : Mahnin duhtawh kan sawi ang a, kan chhuak leh daih ang tih chu a hlauhawm si a, mi sawi ngaihthlak peih mang lo hian.

Ni e, Member zahawm takin hun a thawl deuh bawk a minute sawm (10) te chu hmanzawh tur tihna a ni chuang lova a ti a, engnge House ngaihdan le ? minute nga (5) nge minute sawm (10). A, a nih leh a per-minute-ah minute sawm (10) aia tam lo ni sela, minute kua (9) ah warning bell rawn ri sela, tihtawp zel ni sela. Minute 10 aia tam lo hman ni sela, tichuan, i sawiho ang ule. Tunge sawi hmasa dawn ? Pu Lalduhawma, a phar hmasa ber e, i ko ang aw.

**PU LALDUHAWMA** : Pu Speaker, a bul atangin tawite ka'n sawi ang. Parliamentary Secretary-te hi nei lovin kha lehchen kha kan lo kal a, tuna taka an pawimawh em emna tur leh a tulna em em tur, han fakmawina tur chu ka hre hran lova. Amaherawhchu, political accomodation-te a tul ve thei a, tin, kan inchhawr dan a zirin a tangkai viau thei a. Wawiina hotu (thuneitu) ten tul an ti a nih chuan sawisel turah pawh ka ngai chuang lova, a tha ka ti tho mai a ni.

Chuvangin, hei hi chu rorel laiin tul an ti a, an rawn introduce-a nih chuan kan thlawp thei mai a, fak emaw han sawiselna tur emaw chu ka nei hran lem lova. Amaherawhchu, hetiangana Dana kan nei dawn a nih chuan point hnih khat ka'n sawi duh chu, an Rank leh Status chungchangah hian kan Rules of Procedure-ah hian pahnihna (m) teah hian 'Ministers means Member of the Council of Minister, a Minister of State, Deputy Minister or a Parliamentary Secretary' a ti a. 'A Deputy Minister or a Parliamentary Secretary' tih chuan Parliamentary Secretary leh Deputy Minister kha in Rank pui a kaw k deuh riau in ka hria a. Helai a hmasaah hian 'A Minister of State or a Parliamentary Secretary' tih chu nise Parliamentary Secretary leh Minister kha a inzawl taw k a ni a tih leh theih mai a. Kan Rules dinglaia khatianga a inziah si kha chuan tlemin technically hian fel lo a awm thei deuh em aw ka ti a. Ka zuk hriat thiam dan chuan, kan ti rau rau a nih chuan, hemi a replacement-a pawh hi siamthat te pawh a kaw k thei em ? 'Minister of State or a Parliamentary Secretary, a Deputy Minister' tih khan zui ta zaw k selangin, tichuan, Deputy Minister ai chuan a sang zaw k a ni tih kha kan Rules-ah pawh hian a lo chiang mai ang a. Helamah a bill-ah hian Minister Rank turin kan duh si a, tihlaite kha ka sawi duh a.

Tin, pakhat ka sawibelh leh duh chu, a appointment leh a function leh thildang a chuang a, a tha mai a. A ngailo kan ti nge ni, Chief Minister kha Appointing Authority a ni a, chu chuanin a ban lehna pawh a keng nghal a lawm, a tih theih rual khan hemi a bill-ah, a Act lo ni turah hian bante pawh a ban duh thei a, a thlakthleng duh thei baw k a, khalai provision awm miah lo kha, hun kal zel turah Sorkar hrang hrang kan la nei chho zel ang a, kan ring zel emawte a ni si ang a, chulaiah chuan a bill-ah hian 'Chief Minister-in heng Parliamentary Secretary-te hi a duh ang angin a replace thei ang a, an service hi a terminate thei ang' tih ang provision emaw a awm ve kha a la tha cheu em ? tih chu suggestion ang deuhin ka sawi a. A tul lemlo a lo nih a, thildangah transaction of business rules leh thildang dangachte a lo take care thei a nih chuan a tha a ni mai a, chung point te mai chu Pu Speaker, ka dinpui a ni e. Ka lawm e.

**SPEAKER** : Tunge sawi ve leh dawn ? Pu C. Ramhluna.

**PU C. RAMHLUNA** : Pu Speaker, ka lawm e. Hei vawiinah hian thil duhawm tak ti teh ang, hlauhawm tak kan han sawiho dawn a ni a. Mizorama thil la awm ngailo a ni a, change Mizoram ah a lo thleng a ni a, hetiang change thlen tirtu kan House Leader pawh thil tha ti angah ngai ila, lawmpui awmin ka hria a, fakawmin ka hre bawk a. Mahse, hemi rual hian thil han ngaihtuah tur awm nia ka hriat chu, kan House Leader khan Ministry hmasaah khan Adviser tam tak an awm khan Adviser tam tak hi a ngai love, Department Secretary hote hi Adviser an ni nghal mai a lawm ti khan a sawi thinin ka hria a. Mahsela, vawiinah hian hei Adviser aia rit zawk mah kan Sorkar hianin Parliamentary Secretary paruk lai mai enkawl na hautak tak a siam hi hriatthiam a har deuh em aw tih ka rilruah a awm deuh a.

Tin, a dang lelah chuan kan Minister-te hi Advice an ngai em em ta em ni ? Assist an ngai em em ta em ni tihte ka thinlungah a awm deuh hlek a. Hun kal tawh ah Minister fel tak takte pawh tute mah kha khatiang em ema assist ngai leh advice ngai kha an awm lem lova, kan hriat ang khan Secretaries ho khan tun ang khan advice an pe a, tikhan Department kha an enkawl mai thin kha a ni a. Tun tuma kan Minister zahawm tak takte hi mithiam tak takte an ni a, tin, chubakah chuan experience tha tak tak neite an ni a. Chutiang taka assist leh advice an ngaihna em em tur chhan pawh an awmin ka hre lova. Tin, thil thar a nih avangin mipui hianin an bengkhawn ve hrim hrim mai a, eng Rules-in nge appointment-te pek an nih a, eng mawhphurhnate nge an kova nghah a nih tihte kha hriat an chak ve a. Tichuan, zawhna pawh ka zawt a, chumi ka zawhnaah chuanin 'Parliamentary Secretaries-te hi dan mumal tak tlawhchhana appointment pek an ni em?' ti a ka zawh kha chhannaah chuan, 'ni e' tiin chhan ka ni a. Chumi rual chuan, State-ah te leh Central Sorkarah te pawh Parliamentary Secretary kha neih ni khan sawina a awm bawk a. Tichuan, hei vawiinah hian Parliamentary Secretaries ho appointment leh an Salaries and Allowance chungchang thute dan siam theihna kha tunah hian kan lo pulut ta a ni ta zawk bawk si a. Appointment atan te Salaries leh thildang atan Dan siamna pass turin vawiinah hian kan thuho ta kha a ni a. Hei, helaia 'Extend and Commencement of the Act' tihah hian 'It shall be deemed to have come into force on 29th December, 2008' tih kha a ni a. Hei hi Parliamentary Secretaries hote appointment pek ni ni khan kan hria a. Chuvang chuan he Dan hianin kha appointment kan lo pek tak a kha danlo ang deuha lo pek a nih avangin, he Dan pass a nih ni atanga dan diktak hmanga appointment pek an lo ni tih lantir theihna tur atana siam kha emaw ni aw tihte kha ka thinlungah khan a awm deuhhlek a. Khangte pawh kha nakinah min hrilhfiah atan a thain ka hria a.

Tin, chubakah helaiah khan 'Statement of Objects and Decents of this Bill' tihah khan House Leader zahawm tak khan tihian a signed a "Since this is a new development, the Government is not in possession of

an Act or Rules governing the appointment, condition of Service and other matters of Parliamentary Secretaries” tih kha a awm a. Helai hianin dan leh dun mumal tak kan neih loh avangin he dan hi Parliamentary Secretaries hote appointment leh an Service Commission-te siam sakna turin dan kan rawn pulut a ni e, tih ang khan signed kha a awm bawk si a. Khanglaia kha kan chhanna hmuhte nen khan a inang lo deuh em aw ? tih kha ka rilruah a awm deuh hlek a ni.

Tin, nichina sawi tak ang khan, helai ‘Rules of Procedure and Conduct of Business in Mizoram Legislative Assembly’ tih a.....Minister-ah khan Parliamentary Secretary kha an tel ve tho mai a, he dan hi paih kha a la ni chuang silo a. Chuvang chuan a hranpa a dan siamte pawh hi a ngai tehchiam chuang a maw ni le, Minister of State-te Deputy Minister-te appointment chungchang thuah hian dan mumal tak pawh kan nei chuang lem si lova, chuvang chuan Parliamentary Secretaries-te kha Deputy Minister equivalent an nih tho tho chuan ‘either Deputy Minister or Parliamentary Secretary’ kha kan hmang a ni mai lawm ni tihte pawh khan ngaihtuahna a awm thei em aw tih kha ka thinlungah a awm deuh hlek a.

Tin, nichina sawi tak ang khan, hei hi an tlukpuiah khan Minister of State agent-te kha kan dah a nih si chuan, helai kan dan hi a rang thei ang bera kan amend kha a tul dawn a ni mai awm mang e. Minister of State or Parliamentary Secretary hnuaihan Deputy Minister tia kan dah khan kan him mai awm mange tihte kha ka rilruah a awm deuh hlek a, chu chu ka’n sawi tel duh bawk a. A chhan chu warrant of precedence-te kha chu State Sorkar purogative a ni chiang khawp a, an duh kha an ti sangin an duh kha an tihnam a, chung chuan hemi dan hi vawiinah a applicable tawh lo a nih kha chuan khami kha kan amend ang a, kan chinfel hnuah khan Parliamentary Secretary dinhmunte kha a chiang mai dawn niin ka hria a.

Tin, hetianga kan dah vek vek a nih chuan, Parliamentary Secretaries-te hi MLA tho an ni a, an mawhphurhna leh an thuneihnate pawh hi chiang deuh hleka tihsak hi an tha lawm ni aw, tihte ka ngaihtuah a. ‘Assist’ han tih ngawt loh deuh khan anmahni ina engemaw chente an lo dispose ve theihna tur atana thuneihna han pekte hi a tha em aw ? Ministry hmasate kha chuan Adviser kha kan nei a, Adviser khan Chief Minister kha a advise a, kawng hrang hrangin, khang kha a ni deuh mai a. Mahse, tuna Parliamentary Secretaries hote hi chu MLA an ni a, chuvang chuan Minister hote hnuaihan awm a, anmahni assist ringawt lo deuha thuneihna engemaw chen han pek ve hi a tha em aw ? tih kha ka rilruah a awm deuh hlek a. Chu chu vawiinah hian tih theih a nih chuan tih thain ka hria a. Entirnan, khang zawng zawng kha anmahni kaltlanga Minister hnena kal vek tur a nih tho tho avangin financial power-te pawh nuai 20/30 emaw te chu Minister hnena kal kher lova anmahni ina thutawp an lo siam ve theih mai turte. Tin, chubakah chuan, Group ‘C’ staff ho thlenga transfer theihna power-te pawh kha lo nei ve ta ang sela, tichuan, a Department enkawlte pawh khan Parliamentary Secretary-te ‘importance’ te pawh kha an hre leh zual deuhin a langin ka ring a.



Tin, anmahni tan pawh office han luah ve tak lem si a, assist ringawt tur anga han awm kumkhua mai kha a dik lo deuh mai awm mange aw tih kha ka thinlungah khan a awm deuh hlek a, chu chu vawiinah hian ka'n tarlang duh bawka ni. Tin, Oath Taking-ah khan he thil hi, an dinhmun hi a sang viau si a, Minister of State Rank an ni a, status-ah pawh chutiang chu an ni a. Chuvang chuan Oath Taking-ah khan, tia kan ngaihdan maiah chuan Constitutional Head-te hianin Oath Taking-te hi chu administered ta sela a tha awm mange aw ka ti a, chu chu ka'n tarlang duh tel bawka.

Tin, Council of Minister-ah hian an tel dawn a nih chuan, 91<sup>st</sup> Constitution Amendment-a 15% of the Member of the House emaw 12 Minister, hei North East bika MLA te 40 te 60 te awmnaa 12 aia tam lo ni sela tihah khan Council of Minister an tel dawn a nih chuan khami dan khanin hei hi a block em aw tih kha ka thinlungah a awm deuh hlek a. Chu chu dan thiam ten kei aiin an sawifiah theih zawka ring a.

Tin, chubakah chuanin MLA hlawh la tur anga sawi ni si kha vawiinah hian Council of Ministers ho hi hlawh hranpa pek tumna awm ni anga lanna a awm a. Hengte hi kan sawi leh kan tum ang khan a inkalh deuh em aw tih kha ka rilruah a awm deuh hlek a. Chung chu ka'n point out a ni. Pu Speaker, he dan hi, hemi dan tlawhchhana Rules siamna turte pawh hi a awm chiah lova hriatna ka nei tlat mai a, Act a nih avangin hemi dan base hian Rules kha la siam leh tur kha a ni a, hemi dan kalphung hi tlawhchhanin Rules hi la siam leh tur a ni em tihte pawh hi he danah hian provision awm sela a tha lawm ni tihte kha ka rilruah a awm deuh hlek a. Chu chu ka'n tarlang a ni e. Ka lawm e.

**SPEAKER** : Sawi tur kan awm tawh lo em ni ? Pass kan dil tir mai dawn em ni ? Pu Lalsawta.

**PU LALSAWTA MINISTER** : Pu Chairman, sawi tur an awm dawn tawh lo a nih ka ring a, chawhmaa kan zawh theih kan duh tlang hlein ka hria. Chuvang chuanin ka'n sawi ve lawk ang a. Parliamentary Secretary-te hi kan Sorkarin tul a ti a, hnathawk turin an buatsaih a, tunah pawh hian a la rei lo hle nain an hnathawh atang hianin an tangkai zia chu a rawn lang tawhin ka hria a, an tangkaina rawn lan chhuahna hi sawi dawn ila a rei dawn em mai a, thil tam tak sawi a ngai dawn a.

Tin, "Mizoramah kan hmel hriat loh" han tih fo pawh hi, tunhnaiah kan hmel hriat loh a ni mai a, tunhma deuh kha chuan Pu A. Thanglura te Pu Lalmawia te pawh hi Parliamentary Secretary hna an lo thawk tawh a,

anni pawh kha tangkai an ti viau a. A hmasain Pu Lalduhawma rawn sawi, banna chungchang hi ziak a ni lova tih a ni a, a tlangpui thuin hei hi thil dik tak a nih rualin political appointee a ni a, keini te pawh hi kan ni a. Minister zawng zawngte leh Sorkara political executive ho hi chu political appointee kan ni a, sawi ngai lova 'at the pleasure of the Chief Minister' a awm kan ni mai a, a tu pawh hi naktukah chuan "Lo chawl rawh" tih a nih chuan lo chawl mai tur kan ni a, heng hi chu hai luih pawh tum ila, hai chi a ni lova. Parliamentary Secretary pawh chutiang chu an ni mai a, Chief Minister-in a pleasure ang chhung emaw kha kan kal dan tur a ni a, tin, tunah khan Pu Ramhluna khan a rawn sawi nual a, 'assist' leh 'advise' hi a tawk em ni ? tih kha a ni khawp mai a, assist ngai pawh an ni emawni le ? "Tunah hian Council of Minister tha tak tak kan nei a, mifel tak takte pawh an ni ang a ?" tih kha. Sorkar hmasaah pawh khanin kan Chief Minister pawh kha tha tak niawma ngaih a ni a, amah mimal mai pawh khanin Adviser panga (5) a nei a, pawisa tam tak sengin Chief Minister Adviser-ina an pawisa sen chungchang an ziak khawmnate pawh hi kan han compile ve a, mi pakhat Advise-na atan chuan an seng hnem viau a ni. An in cheibawl ve nasa viau tho a. Chungte ngaihtuah chuan tuna Parliamentary Secretary tia kan han hriatte hi kan House Leader-in he Bill hi inhrekna a nia a tih pawh kha a dik thei khawp a. A chhan chu, term hmasaa Advise leh Assist ngai nia Chief Minister-in a inhriat avanga Adviser 5 zingah khan 'mahni puala hlawh neilo' i ti mai ang 4 an awm a, khang kha hlawh tam tak vek an ni a, pakhat chauh MLA a ni a, tuna kan Parliamentary Secretary-te hi helamah hlawh la lo mahse, MLA an nihna angin hlawh an la dawn tho a. Chuvangin, hlawh, financial implication-ah hian Chief Minister hmasaina Adviser 5 a neihte ngaihtuah chuan vawiina MLA anga an hlawh tho, helama transfer tak mai ang chite ngaihtuah khan pawisa hi kan seng tlem zawk dawn nia hriatnate pawh hi a awm a.

Engpawh nise, kan Minister thawhpui tam takte leh Chief Minister meuh pawh tanpui ngailo, finchhuah ngailo leh Advise ngai lo hi an awm ka ring lova. Chuvangin hetiang tak hian dan nen hian kan han duang a ni a, tanpui ngai hauh lova inggai ber tura kan ngaihte pawn 4/5 an neih chuan keini anni aia chaklo zawk lehnghalte chuan kan lo neih ve thlihthliah kha thil awm tak niin ka hria. Tin, hengah hian a equivalent post a awm tho a, enge dan siam a ngaihna han tih hi awm tak a nia. Mahse, equivalent tih ringawt khan hlawh an la thei tlat lo, Equivalent an nihna ang khan. Chuvangin, duhsak takin han sawi tak rau rau chuanin hlawh lak ve theihna dan siam hi chu neih a tul a ni tih mai kha a fing zawkin ka hria a.

Tin, power & function chungchangah hian hei dan a ni a, kan ngaihtuah mek avangin Bill a ni a, Act a nih loh avangin section tiin kan sawiho turah ngai ila. Clause 3, 2, 5-ah khan kan tih tur chin a kha 'by notification in Chief Minister-in a pe ang' tih a ni a. Rules siam kha tulin kan hrelo ni tur a ni, kan hotute ngaihah chuan. Chuvangin an tih tur chin emaw, an mawhphurh tur chin pawimawh tak tak kha hmun thum laiah kan bih ngun chuan kan hmu a.

Tin, Oath Taking chungchangah hian a Oath administer-tu a pawimawh hle a. Amaherawhchu, Baptisma ang deuhin a Baptist mihring pawh kha an pawimawh ve tho mai a. Kan Chief Minister khan Oath a administer a, a administer-te kha MLA te an ni a, chutiang chuan Chief Minister kan ngaipawimawh a, a niin oath taking a lo tih kha a dan lohna awm hi kan zawn kan zawn hian kan hmu zo lova, a dik a ni tih hi kan thutlukna a ni hrim hrim a.

Tin, MLA hlawh ang an hlawh ang tih ang zawng kha House pawnah a ri tam viau a. 'Hlawh' tih hi nichinah pawh ka sawi a, MLA an nih chuan a tupawh MLA kan ni vek thei a, hlawh tur kha kan nei a, mahse, Minister emaw, Chief Minister emaw, Parliamentary Secretary emaw nih chuan hlawh kha SAD lam atanga lak a lo ngai ve a, khatianga han remruatnaah khanin a tira kan sawifiahnaah khan an ni hi adviser, a hranpaa hlawh neilo, a hranpaa Sorkarina an hlawh pumhlum pek ngai engemaw zat awm ai chuan, MLA an nihna ang hian hlawh neih tho tho tur leh Parliamentary Secretary an han nih a, an hlawh hi lo pung a nih pawhin a pun belhna hi a tlem em mai a. Chuvangin a hautak lo a ni, tiin kan sawi mai a ni thin a.

House pawnah leh Chanchinbu lamahte pawh duh ang zawng zawng ten a lo ri ve thei tho a, mahselangin, MLA hlawh an la ang ti zawngin tumah hian kan sawi ngai lo. MLA hlawh hi MLA an nih avang leh kan nih tlan vek avang hian kan la thei vek a. Amaherawhchu, Minister-te, Parliamentary Secretary-te an han nih takah hian chuan a lakna hmunte a lo dangin a amount-te pawh sangnih khatte pawhin a lo tam hret maithei a, chumi avang tak chuan, "MLA-ah hlawh an lak dawn tho avangin hetiang ang dinhmuna an din hian pawisa senso tur hi Adviser paliten a hranpa taka hlawh an lak ai chuan a hek lo dawn a ni" tih kan sawina mai zawk a ni.

Chuvangin he Bill hi pass-pui tha ka ti a, kan House Leader-in a rawn move kha chawhma hian zo thei ila, ka duh khawp mai a, thil tha tak a ni a, kan han thawh ho chhoh zelnaah kei mimal tak pawha kan hotuten thawh ho pui tura min han ruat sak Chalfilh bialtu zahawm tak MLA te nen phei chuan kan inchhawk zang nasain, engemaw ka tih ve ngei ngei tur angahte pawh a ni hi lo remchangin a lo tlawmngai thei a, ka tangkaipui khawp mai. Kei chang ni lovin, a Sorkar leh Minister dang dang pawhin an tangkaipui nasa hlein ka hria a, heta kan senso tlemte hi chu an thil thawhchhuah nen chuan han buk chiah ka ngai lo reng reng, Pu Speaker, ka lawm e.

**PU B. LALTHLEGLIANA** : Pu Speaker, ka lawm e. Vawiina 'The Mizoram Parliamentary Secretaries (Apointment Salaries, Allowances and Miscellaneous Provisions) Bill, 2009 kan ngaihtuah hi ngaihtuahawm tak niin a lang thei a. Amaherawhchu, hemi kan ngaihtuah dawn lai mek a ka rilrua lo awm leh nichina Pu Duhawma leh Pu Ramhluna sawi, helai Rules of Procedure and Conduct of Business-a kan dan pahnhna (n) a mi erawh kha chu, hemi

nenal emil fel deuh atan chuan a tha awm mange aw ! ka ti a. Helai House-a dan kan siam ve ve thil inmil lo anga thil awm kha a thalo theiin ka ring a.

Tin, ka sawi leh duh chu term hmasa lamah khan kan Chief Minister khan Adviser 4/5 vel a nei a, helama in thut lai khan nasa takin a hautak thu leh a tul loh thu kha Session apiangin kan hriat tlangpui kha a ni a. Khatih hun laia kan Adviser-te kha MLA chu Pu R. Khawpuithanga deuh chauh kha a ni a, MLA anga hlawh la chu, a bak dang kha chu ka hriatsual loh chuan Rs. 15,000/- vel lek lek hlawh rawih an ni a. Tuna mite hi chu helai kan danah hian a tira kan Chief Minister zahawm takin a thusawi ka hresual a nih loh chuan heng kan Parliamentary Secretary parukte Oath taking-ah khan kan Chief Minister zahawm tak hian mi complain a nasa lutuk ang tih a hlau a, a inthlahrung nge ni MLA hlawh an la ang tih kha a sawi ngeiin ka hria a. Amaherawhchu, helai kan Member zahawm takte vawiin an thusawiah khan kan sawi ngailo tihte kha a lo lang leh a, hetiang hian a mi kan tihchhoh zel dawn, tih lai kha ka rilruah a awm a. Tunah pawh hian Salaries and Allowances Parliamentary-ah pawh hian pasarihna(7) khan 'A Parliamentary Secretary shall be entitled to such Salary and Allowances as are admissible to a Minister of State under the Mizoram Salaries and Allowances of Ministers Act, 1999 (Act. No. 7 of 1999) as amended from time to time' tih a awm a. MLA hlawh chu an la dawn lova, Minister of State angin facilities leh hlawh chu an enjoy dawn tih tuna kan dan khel mekah hian a lo lang chiang a. Chumi piahlahmah chuan an personal branch-ah hian ka hriasual loh chuan P.S. leh Stenographer Gr. II an nei a, U.D.C., L.D.C. leh Peon, Peon in lamah pakhat, Cook hi pahnih, Sweeper-cum-Gardener pakhat, an vaiin Parliamentary Secretary-te hian Staff 11 hi Parliamentary Secretary an nih avang hian 1 branch leh an kawl thei a ni tih chiang takin a lo lang a. Hei bak hi Cabinet Minister pawhin kan neih ngai mang loh kha niin a lang a. Chuvangin vawiinah hian Ministry hmasa ai khan a hautak lo zawk a ni tia sawi kha chu Pu Speaker, i dinglama thute hian sawi lo hram se a thain ka hria a.

Mahse, he dan hi a tha a, nakin hun kal zel atan kan neih a tul a ni in ti a nih chuan kha kha chu a tha ka ti mai a. Chuti ni si lova, Ministry hmasa hautak kan tih, inthlahrung deuh bawk si a, in justified tuma sawia rawn tih kha chu mi hian an hmu a, ziakin a awm a, kan hmu a, kan hre vek a, khalai kha chu in justified vak ngai turah ka ngai lova.

Tin, kan Law Minister zahawm takin Rules siam a ngai kher dawn em ni ? tih kha chu Bill a ni a, Acts a lo nih hnu hi chuan Rules hi chu awm thei sela chuan a tha khawpin ka ring a. Chuti ni lova a Act atang ringawt mai a inkaihhruai a kha chian tawk lohna lai a awm thei a. Tin, Oath Taking chungchangah pawh hian Oath of Secrecy lak chungchangah hian nichinah khan kan Law Minister khanin MLA an ni a, Chief Minister zahawm takina a lo la hi a diklohna lai a awm love, ti ang deuhva a rawn sawi kha a awm a. Amaherawhchu, tuna kan ngaihtuah mek a hi an nihphung tur tuna kan sawi mekah hian Minister of State rank an nih tur thu hetah a lang chiang a, chutiang a nih si lai a, Constitutional Head-te ni lova, Chief Minister-in a lo tih ngawt kha chu a kalphung chu a nih chiah ka ring lova. Dan lam zir mi kan ni lova, kan hre thui vak lo na a, tun hnua tih zel atan chuan a tha ber lem lo awm mange ka ti a.

Tin, Pu Speaker, a thu hrimin hetiang Parliamentary Secretary-te hi kan nei duh a, kan ram tana hna kan thawhna turah tangkai zawk leh hlawk zawka thawk tura kan beisei, kan nei duh a nih chuan hmanhmawh taka ti lovin, vawiina Bill lo lut kan ngaihtuah ho kan pass hnua Act-a lo nih hnua dan anga thil a tih theih hnua hianin tih ni thei sela chuanin a Sorkar siam lai mek tan pawh a mawi awm mange, tin, Parliamentary Secretary ni lai mek tan pawh a nuam zawk awm mange. Chuti ni lova, hmanhmawh taka tianga a hnua pawr zawng zawng thenfaina atan niawm taka dan siamina han bawhzui leh hi a mawi hranpain ka hre lova, chu chu ka'n sawilang zawk duh baw k a.

Tin, Pu Speaker, khati taka an tangkai a, kan ram tana hna kan thawhnaah pawh tun thlahnih/thum chung maiah pawh khatiang taka an tangkai zia a lang a nih chuan engatinge helai Mizoram Budget-a lo chhuak ni 23.3.2009-a lo chhuak kha heng appointment rawn tihchhuah, Minister an puih mi panga chauh ni lo khan engatinge midang hi puih tura kan tih ve loh. Anmahni aia tam ruat kha a harsa kan ti a nih pawhin tuna kan Parliamentary Secretaries awmsate hian Minister dangte pawh kha an va pui ve thei tho lawm ni ? Chutiang taka tangkai taka hna an thawk thei a nih chuan, kha kha ka ngaihtuahnaah a awm deuh a. Chuti a nih lova tuna Agriculture Minister-te, Home Minister-te, Law Minister leh Industry Minister-te chauh kha puih ngai bik an nih a, khalaiah khan hlawk taka an puih a, Minister dang zawng zawng kha hlawk taka puih ngai ve thote an lo nih phei chuan khangte pawh kha kan ngaihtuah sak thei law law lawm ni ? tih kha ka ngaihtuahnaah a awm tel baw k a.

Tin, Pu Speaker, a tawp nan a definition-ah khan Parliamentary Secretary chu “ a political functionary as may be appointed by the Chief Minister for one or more departments and to assist the Minister concerned of such department or departments in effective disposal of the government business, pertaining thereto, or as may be decided by the Chief Minister” tih a ni a. Khami tih duh si lova helai 5-naah “The functions and duties of Parliamentary Secretary shall be such as may be specified by the Chief Minister from time to time”. Dan pakhatatah a bung leh chang hranah khatianga thil inpersan anga lang thei, ‘Minister-te pui tura tih an ni e’, tih a nih laia helaia thildang lo lang leh kha a mawi lutuk lo em ? tih kha ka rilruah a awm mai mai a, ka han sawi lang thuak thuak duh a.

Pu Speaker, nichina ka sawi ang khan he thil hi kan ti dawn a nih chuan muangchang, hmanhmawh lova, tuna kan Parliamentary Secretary zahawm tak takte hi la ruat loh ni sela, vawiinah hian ngaihtuahin, kan ngaihtuah fel hnua hengte hi ruatin tuna an function ang ang hian function pawh nise politics-ah hi chuan kan hrethiam vek a, politic-a a damdawi han inchawhte pawh hi kan tih tur a nih vena lai a awm avangin kan hrethiam khawp mai. Amaherawhchu, thil kan lo tih tawh House-a legalise tumna anga dan kan han siam chuk chuk hi chu tun hnua kan tih zel loh atan a that ka ring a. Sorkar lo kal zel turah pawh hetiang thil tiduh kan nih chuan hmanhmawh lova tih ni thei sela, he Sorkar pawhina heng a lo ti pawh hi a mawi zan lutuk lovin ka hria. Chungte chu Pu Speaker, ka'n sawi chhuak ve duh a ni e. Ka lawm e.

**PU R.L. PIANMAWIA** : Pu Speaker, hei tuna kan thu ngaihtuah lai mek hi sawitu hrang hrang ten an sawi tawh a. Parliamentary Secretaries-te hi engvanga tun Sorkar hian dah ta mai nge tia, a sawisel duh zawng ten an sawisel mek laiin a pawimawhna lampang hi kan la sawi tam tawh lovin ka hria a. Chuvang chuanin Parliamentary Secretaries-te hi tuna an function tawh chin kan hmuhah hian an pawimawhin an tangkai em em a. Hetianga dah an nihna rilru pawh hi ruling party Sorkar kan kalpui thiam lohna avangin ruling party lo, miharsa tam tak ten an mamawh leh an duh tihlawhtling turin Pathian hnenah an dil a, chumi tihlawhtling tura a dah a te Sorkar thar lo dingah chuan mipuiten Sorkar kalta a ruling ve lo harsatna tawh tam tak tena an mamawh an rawn thlen theihna tur Minister-ten mimal ringawt lo dawr lovin mipuite mamawh an phuhruk zo lo thei a. Chuvang chuan a lo puibawm turin heng Parliamentary Secretaries-te hi dah an ni a, a pawimawhnaah khan ka'n sawilang tel duh a. Chuvangin, kan Minister-te an remchan loh emaw pawha mipuite mamawh leh harsatna tithlawn lova dawngsawnga lo tanpui theitu an nih avang hian a pawimawh hle a ni.

Tin, mipakhatin Adviser 5 an neih ai khan vawiina sem sem dama kan Minister-te pui tur an ruahman hi a lawmawm ka ti a. Tin, pakhat aia tam pawh hi ni thei se chuan mipui tan an tangkaipui zawk ang tih ka ring a, chu thu tawi te chu ka'n sawilang ve duh a ni. Ka lawm e.

**PU R. LALRINAWMA** : Pu Speaker, ka lawm e. Keipawh tawitein ka sawi ang a. I vei lama miten an ngaimawh an han sawi thenkhat kha ka lo hriat ve dan leh thil awmdan kha han sawi ve lawk ka duh a.

Chief Minister-in term hmasa lamah khan Adviser engemaw zat a ruat a, khangah khan legalise tum lem lovin executive order-in tiang khan an ruat a ni mai a. Chu chu legalise kha tul an ti lo a ni mai a. Chief Minister-ten thuneihna sang tak an nei a, vawiinah pawh Parliamentary Secretaries-te ruat an ni a, chu chu dan ang thlap, a thuneihna chhunga tih theih a ni a. Amaherawhchu, khatianga executive order ringawta tih kha hun kal zel atan tiin legalise turin dan kan ngaihtuah ta a ni mai a. Tunah a lo ruat a kha dan awm hma a ruatah khan dan bawhchhiatna a nei lo a ni, Chief Minister power a ni. Tichuan, kum 5 chhung hi dan hi pass lo mah ila, Chief Minister-in a duh a nih chuan an awm zel thei a ni tih kha kan hriat a thain ka hria a.

Tin, Act a lo nih a, Rules a awm ngei ngei tur anga kan ngai kha a dik lo a. Act khan implement turin a detailed implementation-ah khan thil thui tak ziah ngaite a lo nih khan, kha Act hnuaiyah khan Rules siamte a lo tul thin a ni a. Act a nih avanga Rules neih ngei ngei tur kha a ni hran lova, Act kha implement a lo nih dawn khan a detail-a thil tih tur kha Rules lamah siam a ni ang tihte a ni a, kha Act bawhchhe lo, Dan bawhchhe lo khan Rules kha, kha Act hnuaiyah khan siam thin a ni a. Tunah erawh chuan Act kha thui tak a ni hran lova, Dan kan

siam kha thui tak, chhah tak turte a nih dawn thin avangin Rules khan rawn supplement a tul thin zawk a ni a.

Tin definition chungchangah khan Deputy Minister or Parliamentary Secretary han tih a kha rank chungchang kha a ni mai a, hei hi chu, zuk ngaihkawih vak tur awmin ka hre lova. Minister awm zat tur Constitution Amendment-in a bithliah a, tunah Minister ang tur hi kan la si, a tih ang a kha, khangte pawh kha Parliamentary Secretary hi Minister an nih miau loh avangin Constitutional Amendment khan a huam lo a ni. Tunah hian Minister angin ruat ni ilang chuan a kalh thei ang a. Amaherawhchu, Parliamentary Secretary an ni a, Minister an ni tlat lo a ni tih kha Pu Speaker, ka'n sawi ve duh a ni. Ka lawm e.

**PU CHAWNGTINTHANGA :** Pu Speaker, ka lawm e. Parliamentary Secretary anga thu lai ka nih avangin sawi awm loh tak ni a ngaite pawh an awm maithei a. Amaherawhchu, a that leh that loh chungchang, a tul leh tul loh chungchang chu kan Pute sawi tur niah ka ngai a. Amaherawhchu, kan thian, kan Member zahawm tak takte khan a sum sen chungchang kha an rawn sawi liam liam a, a hlawh hrim hrim hi ka lo thlir ve nual a, "The Mizoram Salaries, Allowances and Pension of Legislative Assembly Act, 1999" ang khan MLA hrim hrim hian Salary-ah Rs. 10,000/- Constituency Allowance-ah Rs. 5,000/-, Contingency Allowance-ah Rs. 3,000/-, Family Allowance-ah Rs. 3,000/- bawk, a vaiin Singhnih leh sangkhat an la thei a, chumi bakah chuan, House Committee hrang hrang a awm a, House Committee-naah khan Member an ni teuh mai bawk a, House Committee sitting apiangah Rs. 350/- per sitting allowances an la thei zel a, a hma nihnih leh a hnu nithum thleng khan. Khang allowances zawng zawng nena belh khan MLA pangngai hlawh hi a sang khawp mai. Tichuan, "The Mizoram Salaries and Allowances of Minister Act, 1999" in a sawi danin, Salary-ah khan Minister of State zuk sawi teh ang. Singkhat tho a ni a, Sumptuary Allowance an nei ve hlauh a, sangli zanga, tin, Entertainment Allowance an nei leh a, sangnga, family allowances kha MLA pangngai ang thlapin sangthum, singnih sangnih zanga chauh an hlawh a ni.

Tichuan, helaia lang thei maiah pawh hian a difference kha sangkhat leh zanga chauh a awm ta a, nichina kan han sawi MLA pangngaiin an enjoy thin, Silling Allowances hrang hrang kha Parliamentary Secretaries-te hian Committee Member-a dah an nih loh avangin an enjoy thei lova. Chuvang chuan, Allowances, Salaries and Allowances hrim hrimah chuan Parliamentary Secretaries-te hian an chan zawk dawn nghe nghe a ni tih kha sawi a pawiin ka va ring lo em. Hlawh tam ta riau tura sawi a awm ta fo mai hi mipuiin an awih tak tak ang tih hi ka hlau deuh a, a dikna tak kha han sawichhuah tulin ka hria a.

A dawt lehah chuan, kan Member zahawm tak Pu Rinawma khan a rawn sawi tawh a, sawi tul em ema ka lo ngaih lai tak a rawn sawi a, Act an rawn siam reng reng hian dan angin a hnuah Rules kan siam ngei ngei tur tih ngaihdan hi a awm thin a, a ni lem lo. A Act-a provision khan a implement

tura carry-out-na tawk tur, thil tih dan tur a contain zo lo a nih chuan Rules kha kan siam tur a ni chauh a. He kan dan ngaihtuah mekah hi chuan a tawi tek tawk a, a hman dan tur kha a Act hrim hrim provision-ah hian a Chiang vek mai a, Rules siam a ngaiin a rinawm lo tih kha ka'n tuihnih duh a.

Tin, midang puitu Minister thenkhatin neih a, thenkhatin neih loh hi an tangkai viau chuan khalai kha chu kan Bill leh State dang Act-te kan han en vekin helai hi chu Chief Minister Discretionary power liau liau a ni a. Helaia kan vaia interfere hram hram chu a dik berin a rinawm lova, hetiang Chief Minister-in a discretionary power a hmang mai hi a dik a, a tha hle turah ka ngai a.

Tin, tuna kan Bill, Member zahawm tak ten an rawn sawi, clause 3-na leh 6-na kha a inkalh deuh lo maw tih ngaihdan awm kha, Chief Minister-in a appoint theih dan tura dahna ve ve kha a ni a, a general-in a han sawi a, clause 6-ah khan, khatiang khan lo dah tawh hnu pawhin a hnuah khan Chief Minister-in a ngaihdanah tul dang awmin lo ngai ta se, a tidanglam leh thei tih kha a huam vek zawk a ni tih kha chhiar chianin a lang thei mai. Chuvang chuan, a Bill siam hi a felfai khawp e kan ti deuh a nih chu, ka lawm e.

**PU T. T. ZOTHANSANGA** : Pu Speaker, ka lawm e. Kha, nichinah khanin kan Tuipui bialtu zahawm tak Pu Thlenga khanin Adviser-ten an hlawh kha Rs. 15,000/- a tih kha a rawn sawi a, Chiang deuh law lawa rawn sawi ka duh a.

Pu Lalhuapzauva kha thla 55 a thawk a, thlatin Rs. 19,000/- a hlawh a ni. Thla 55 chhung khan Rs. nuai 10 leh singli leh sangnga a hlawh a ni.

Tichuan, Pu N. Zokunga, Administration Adviser khanin Rs. 15,000/- plus House Rent Rs. 19,000/- kha thla 55 chhungin a la ve a, chu chu cheng nuai 10 leh singli sangnga bawk a ni.

Pu Ramhluna Kiangte, Technical Adviser khanin Rs. 19,000/- kha thla 45 chhung a la a, chu chu cheng nuai 8 leh singli leh sangnga a ni.

Tin, Pu K.V. Tlangmawia, Legal Adviser khan Rs. 19,000/- kha thla 23 chhung a la a, chu chu cheng nuai li leh singthum leh sangsarih a ni a.



Tin, Pu R. Khawpuithanga, Political Adviser hi in lamah Peon 4 pek a ni a, co-terminus LDC leh Driver pek a ni bawk, Gypsy Hardtop bakah Bolero a kawl bawk. "The Mizoram Salaries and Allowances for Minister Act, 1999 anga a lak bawk si avang khan thlakhatah cheng singhni sangkua zanga a la bawk a, tichuan, Pu R. Khawpuithanga'n thla 60 chhunga a lak chu cheng nuai 17 leh singsarih a ni a.

Tichuan, Chief Minister kal tate Adviser ten Mizoram sum an eiral chu, a hlawh ngau ngau bikah cheng nuai 57 leh singnga leh sanghni a ni a. Chubakah Peons pahni theuh kha pek an ni a, Residential Telephone an pe a, Motor Gypsy Hard Top pek vek an ni a. Pu R. Khawpuithanga hi chuanin Bolero a la kawl zui bawk a ni. Tin, chubakah Household-ah hian pali a ni a, LDC co-terminus leh Driver pakhat kha a ruai bawk a, kha kha an dinhmun a ni a. Tunah hian a expenditure zawng khan kan rilru hian kan khaikhin kan khaikhin ni hian a lang a. Khatianga kan khaikhin a nih chuan tuna kan Parliamentary Secretary-te hianin an MLA nihna an hlawh leh he Parliamentary Secretary an niha an hlawh inkar kha chhut khawm ila, hetiang zat zat hi chu a rawn awm lovang tih ka ring a ni. Kha kha a inthlau ngawtin ka ring a, kha khan mi a tichiai thei ang tih ka hlah avangin ka'n sawi chhuak duh a.

Hei, vawiinah kan House Leader-in a rawn chhawpchuah hi ka support a, hetah keimahni Rules of Procedure buah khan chiang fek fawk a lo awm piahlamah khan keimahni ina kan hman theih turin khatianga ruahmanna fel tak a rawn chhawp chhuak a, House-ah pass min rawn dil tur hi a lawmawm ka ti a ni.

**PU B. LALTHLEGLIANA** : Pu Speaker, helai financial memorandum-ah khan 'The Financial Indication due to the proposed enactment of the Mizoram Parliamentary Secretary appointment Salaries and Allowances and Miscellaneous Provisions deal 2009 would be to the extent of Rs. 36 lakh per annum' tih a ni a. Chuti a nih chuanin an ni ho mimal tin hlawh tur kha thlatin Rs. 50,000/- vel anga chhut theih a ni.

**PU LALSAWTA  
MINISTER** : Pu Speaker, khalai kha a dikin ka ring a, an chhut kha, mahse, MLA nise khatianga zat deuh thuak tho kha an hlawh ve a ngai tho tho. Chuvangin MLA an ni a, an hlawh lak zawng zawng leh Parliamentary Secretary-a an hlawh lak zawng zawng kha Parliamentary Secretary an nihna anga financial requirement a kha nuai 36 a rawn ti a, MLA an nihna ang khan nuai 34 emaw a nih chauh phei chuan a inthlahna kha tlemte a ni. Chuvangin hei hi haider lui tlat lo ila, a nihna ang hian Pu Speaker, pawm ila, patling takin, hetiang hi chu a nihna ang hian i pawm ngam zawk ang u..

**PU B. LALTHLEGLIANA** : Pu Speaker, a nihna angin kan pawm sak lo tihna ni lovin, Ministry hmasaa Adviser tlemte, hlawh pawh tlem zawk sawilan fo a nih avangin hei hi ka'n sawichhuak ve a ni mai a. MLA-ah chuan Rs. 24,000/- pawh kan la pha mang lo emaw a ni ang a. Nichina Suangpuilawn bialtuin sitting allowance te te nen a rawn sawi kha chu, khang kha chu, mi mahni hna baka sitting a lo awm chuan an hlawh tur a ni mai a, a chhut tel tur pawh a ni lova. MLA anga a hlawh liau liau chhut khawm hi chuan a tlem lutuk. Amaherawhchu, tuna financial memorandum-a a rawn lan ang hi chuan thlatin singnga deuhthaw hlawh hi chu an ni hrim hrim.

**PU R. LALRINAWMA** : Heta financial memorandum-a lo lang hi an hlawh tur a ni lova, financial implication tih a ni a. hemi Bill kan pass avanga senso ngai tur a ni a. Chuvang chuan hlawh nena han chhut kha a dik theiin ka hre lova, financial implication a ni. Chutia tihah chuan, Adviser-te pawh kha hlawh chauh kha an rawn sawi chhuak a ni a, Motor dawn te kha a awm a, an niah pawh Motor dawn a awm dawn a, chung zawng zawng atan chuan heti zat hi tih sawilan a ni. Ka lawm e.

**SPEAKER** : I duh tawk ang, thu phawt mai rawh, thu phawt mai rawh. Pu Liansailova'n ban a phar a, kan ko rih lo ang a, hetilaiah hian ngun taka thlirte pawh a ngai kan tih reng kha. Chuvangin ngun takin kan thlir ang a, thil thar turte a ni a, mipui ten eng angin nge an ngaih dawn tihte pawh kan thlir tel a, he House-a kan sawi hi Zoram mipui hnena kan sawi a ni tih pawh kan hre bawh tur a ni a. Tunah Pu Liansailova.

**PU H. LIANSILOVA  
MINISTER** : Pu Speaker, ka lawm e. Han sawi vak tum pawh ka ni tawh lova, tuna kan Bill ngaihtuah hi a Bill hrim hrim hi technical-in a that lohna lai kan sawi lovin ka hria a, kan han sawi pawh kha, kan han sawi deuh naa han enchianin an Service ti mai ila, an hnathawha ban leh ban loh chungchange kha sawilan ngailo a ni a, Minister ho Salary leh Allowances Act-ah te, chuvang chuan Chief Minister-in tha a tih angin Ram leh Sorkar tana tha a tih angin political functionary pawimawh awm tur leh Minister-te tanpui turin Public Interest-in hei hi a appoint a, chu chu dan kalhmang pangngai takin hei hianin kan chhawp chhuak leh a ni a. Chuvang chuan, a dang kan han sawi kha chu kan han inhnial na a, a pawn lam thil mah mah a, a chhungah khung kan tum lek lek zawk niin ka hria a.

A dan hi a tha a, technically pawhin, tin, a taka hmanah pawh kan han experience-ah pawh Public Interest a tling a, Chief Minsiter-in a thuneihna han tihlanna mai ni lovin, mipui pawhin zangkhai thlak an tiin ka hria a.

Tin, a Financial Implication han sawiah khanin kan chhiarkawp kha tlemin a uar zawnga sawi emaw a nep zawnga sawi emaw angte pawhin a ngaihthlak theih a. Mahse, thil tha na na naah chuan Financial Implication chu a awm tur a ni. Helaiia a bill-a an rawn chhawp chhuahah hian nuai 36 vel hi Financial Implication tur chu a ni. Amaherawhchu, MLA an nihna anga an mahni laka Sorkarin a senso tur a kha han buk leh chuan hei hi chu a pangngai angreng, senso lutuk pawh a awm chuang love tih kha kan hre tlang leh vek thovin ka hria a. Chuvang chuan, hemi dan, kan Bill han ngaihtuah hi a clause tin mai hi han en ilangin, Technically leh a kalhmangah te a tha a, sawi zui pawh ngai tawh lovin ka hria a, kan han hman chhinah pawh a tha hle dawnin kan hria a, hman zel atan pawh a tha kan ti tawlh tawlin ka ring a.

Tin, Minister-te kan neih theih zat limit, constitution-in a rawn prescribe tawh si avangin political functionary lam hi chu mipui interest atan hian a tul a ni tih hi kan Leader-te leh kan hotuten an hmuh avangin hetiang hian hma an rawn la a. Chuvang chuan, vawiinah hian kan sawi kha tawh selangin, kan hrechiang tlangin ka hria a, a Bill hi pass tawh mai ka rawt a ni.

**PU NIRUPAM CHAKMA** : Pu Speaker, hei “The Mizoram Parliamentary Secretary (Appointment, Salaries, Allowances and Miscellaneous Provisions) Bill, 2009 hi thlawp ka duh a. Hetianga dan hmanga Parliamentary Secretary-te dinhmun siam hi tha ka ti a, appointment an siam hma khan siam tawh nise tha lehzual tur a ni a. Amaherawhchu, ordinance zawnga kalpui a nih avangin tun atan chuan tha turah ka ngai a. Tin, an dinhmun tur hi chiang takin a ziak niin ka hria. Act, Minister-te, Speaker leh Deputy Speaker-te, Deputy Chief Whip-te Salaries and Allowances Bill siam ang khan siam a ni ve a, Rules kha chu a ngai lo.

Tin, printing mistake chhe te a awmin ka hria a, clause 6-ah khan, “The Parliamentary Secretaries shall, before entering upon his office, take and oath ‘and’ tih aiah khan ‘an’ tih ni zawk awm takin ka hria. (Speaker : ‘and’ a ‘d’ kha i paih mai ang u aw).

Pu Speaker, ka ngaihtuah chu, Parliamentary Secretary-te, Minister assist tur an nih avangin an hnathawh tur Chief Minister-in decide ang tiha dah a ni a, tunah a rang thei ang bera an hnathawh tur, an function tur chu siam sak ila, keimahni pawhin kan hriat theih nan, Minister-te pawhin an hriat theihna turin, an power leh function kha hetiang chiangkuang lova dah lovin, a rang thei ang berin siam sak ila a tha ang. Tin, hei, Mizoram Government Transaction of Business Rules kan nei a, chutah pawh amendment a tul a ni. A chhan chu.....important function a ni a, government function a nih avangin Minister-te rank a nih avangin anmahni

function tur pawh Transaction of Business Rule-ah awm ngei sela tih hi a tul a ni maithei a ni. Chu chu ka sawi theih tawh ni sela an tangkaina chungchangah khan.

Tin, hei, Salary chungchangah khan MLA angin hlawh draw sela, hei aiin a tlem lo zawk ang, difference chu a tam lo. Nichinah kan Ministry, kan Sorkarin Ministry hmasa chungchangah a sawilan a nih avangin Adviser to Chief Minister (Political), Adviser to Chief Minister (Administration), Adviser to Chief Minister (Finance), Adviser to Chief Minister (Technical), Adviser to Chief Minister (Legal) ti a tam tak appoint zingah khan pakhat chauh MLA a ni, chu chu kan hriat tur. Chuvang chuan, kan senso leh Sorkar hmasa senso kha chu difference a tam lutuk a ni, MLA nilo pali an appoint a ni. Chutah pawh total failure a ni, administration a failure a, politic, dan leh dunah te, finance lamah kan failure fai vek a, engnge a tangkaina awm ? Chuvangin kan Parliamentary Secretaries-te hi a tangkai thei berin kan Minister ho hian chhawr thiam sela ka duhin ka duhsakna ka hlan bawh e. Ka lawm e.

**SPEAKER** : Dr. Lalthangliana sawi turin i lo sawm ang.

**DR. R. LALTHANGLIANA** : Pu Speaker, hei, vawiinah hian kawng lehlamah chuan sawi nuam lo deuh mai a ni. Kan Parliamentary Secretaries appointment leh Oath of Secrecy kan lak tir vek tawhte kan zingah an thu a, khami kara engemaw han sawi hi a hrehawm khawp mai a. Chuvang chuan Bill, a hnuah lut regularised ngai ang chi, retrospective effect-a 29 December atangin hei hi effective rawh se tih ang chi hi chu he House-ah hian precedence thalo hi awm tawh lo se ka duh khawp mai. Parliamentary Secretary kan nei hi ka sawisel hrim hrim a nilo. Amaherawhchu, helaiah kan Member zahawm tak takte, mifel tak takte an awm tawh hnuah an chanchin sawi loh ni si a, chhawp chhuah ang chi hi chu awm tawh lo sela tih hi helampang chuan kan duh hle a ni tih hi ka sawi duh a.

Hei kan Sorkar hianin change kan uar a, kawng lehlamah chuan kan change tihna lam pawh hi kan inenchian chu a ngai viauin ka hria a. Hei i dinglana thu kan Member thenkhatte nena kan thut ho lai pawha an ngaimawh em em, Delhi-a kan Mizoram House-ah te pawh Pu Khaund-a te pawh, hei, cheng singthum hlawhin kan ruai leh niawm tak a ni a, kum 10 a chawlh tawh hnuah, tiang khan kawng lehlamah kan chet dan phung hi kan enchian chu a ngai khawpin ka hria a, chu chu ka'n sawi lawk duh a.

Tin, Pu Speaker, hemi a Bill-ah hian lut ta ilar, tlem kan uluk lo deuh mange, a vawikhatna ni si ah chuan ka'n ti deuh a. 'We the new Government assuring office on the months of December, 2008, a new development that is appointment of six parliamentaries took place recently, new development' hi a ni

emaw ni ? A wording hi enchian chu a ngai a ni. New development thilah kei chuan ka ngai lova, tawngkam dang deuhthe pawh hman dan a awm lawm ni ? ka ti deuh a. Tin, Bill House-a kan pass hma hauh a technical thil in sawilang e, tih lai a kha hetiang Parliamentary Secretary-te kan Chief Minister-in Oath of Secrecy a lak tir ngawt hi State dangte pawn an ti a lawm tih ringawt hi, Meghalaya-ah khan an ti a, Dan Gopalray-a, an Chief Minister khan sawisel a hlawh viau reng a ni. A thalo, fello lai deuh ang chi, tute emaw tih avanga tih zel hi thain ka hre lova, tun hnuah chuan fimkhur a ngaiin ka hria a, a bik takin kan sitting MLA nilaite an ni, tin, chumai bakah chuan an rank tur chiang taka inziakah hian 'shall be the rank of Minister of State' tih chiang takin tilaiah hian a rawn ziak a. Oath taking ngat hi chu Pu Speaker, Constitutional Head ho hi an kutah hian kan dah deuh a ni. Minister ho pawh Oath taking kan neih chuan Governor-te Lt. General-te emaw, tin, High Court emaw, Supreme Court-a mi ang ho..... ( Speaker : Kan chawlh hun kha a lo niin ka hria a, engtinng e kan tih ang, kan kaltlang zel mai dawn em ni ? Sawi duh dang kan awm tawh loh phei chuan chawhmaa zawh theih dan zawngin kan her dawn em ni ? A nih leh aw) heng hi ka'n sawi duh a ni a.

A dang lehah chuan Pu Speaker, expenditure chungchang lai kha kan han sawi a, ni e, hna tha tak mai an thawk a, expenditure a sang a nih pawhin chu chu an la thawk dawn chauh a, tuna lo khel chiam turah chuan ka ngai lo. Amaherawhchu, thil pakhat, hlawh ngau ngau hi chu hlawh a ni. Amaherawhchu, hlawhin a ken tel si loh a tam em em a, entirnan, P.A. pakhat, Steno pakhat, UDC pakhat, LDC pakhat Garnener pakhat, Chawchhum pahnih, Driver pakhat, an zavaia a kaihnhawih thawk tur hi 11 an ni a, chu chu mi 6 Parliamentary Secretary khan han puntir ila, thawktu 66 a ngai a ni. Chu mai a ni lova, MNF Sorkar lai kha kan sawi kan sawi takah chuan, hlawh kha Rs. 15,000/- pek an ni a, IV grade pahnihte kha existing staff atang thova dah an ni. Tin, Motor leh Driver pawh a existing, Sorkar motor an hmang a, Driver a ni ve leh mai a, chutianga danglam em em a awm lova. Tin, PSO te phei chu, an ni phei chu pek miah loh. Hetah erawh hi chuan Pu Speaker, Minister of State rank a ni a, kha khan kaihnhawih tam tak a nei a ni.

Diktak chuan, kan Adviser to Chief Minister chu ni se chuan zuitu a nei duah duah miah lovang. Amaherawhchu, tunah erawh chuan an ni chuan portfolio an nei a, an zinnaah buaipui an ngai tlat, Minister of State rank an nih chuan, khang zawng zawng, helaia paper-a an senso ziahlan si loh inthup hi a tam lutuk a, chu zawk chu kan Member-ten kan hriat tlan a thain ka hria. A hlawh lai Rs. 1000/10,000 chuti khati laiah ringawt kha chuan buai lo ila ka duh a.

Tin, Pu Speaker, Constitution-ah hian Parliamentary Secretary hi a awm miah lo tih lai a hi. Hei, ka'n zawng ka'n zawng a, a chhut hnuhnung berte pawh hi ka en thin a, pakhatmah a awm lo, mahse, khalam kha chu ka sawisel lova, Sorkarin tul a tih chuan a ti a ni mai a, mahse, a Bill kalphung hrim hrim hi ka ngaihtuah thin a, Pu Speaker, "Parliamentary Secretary means, a political functionary as may be appointed by the Chief Minister for one or more departments to assist the Minister concerned for such departments or department in effective disposal of the Government business pertaining thereto, or may be, decided by

the Chief Minister,” tih a ni tawp mai a. Pu Nirupam Chakma sawi kha, keipawh ka thlawp khawp mai, engemaw an tih tur Chiang Lehzual, Chief Minister direction ringawt lo deuh kha chu a ngaih ka ring.

Tin, 36 lakhs Financial Memorandum-ah hian kum khat atan sen a ngai dawn e, tih hi chu a tak ramah hi chuan tiang ngawt hi chuan a kal ka ring lova. Kan Sorkar hi ka'n sawi duh chu, India Constitution-ah hian tunhma Minister-te kan duh zat zat kan, Chief Minister-ten India ram State hrang hranga an dah ang chi kha a theih tawh loh a ni tih kan hria a. Hemi an tihna chhan ber, a spirit, India ram pumpuia kan hman a hi vawiinah hian kan violate tlat a ni. Cabinet Down-Sizing an ti a, nasa takin India ram hmun hrang hrangah an tih laiin, helaiah Minister of State Rank kan ti a, chutah an ni tak tak a nih chuan, Cabinet meeting-ah hial an thu leh dawn em tih pawh hi ka zawt duh a ni. Rank and Status Khan Minister ang rank a nih chuan MLA an ni bawk si a, chuvang chuanin Cabinet meeting-ah hian an thu ve thei dawn em tih pawh hi zawhna a ni. 'Change' kan ti ta sa sa, 'change' han tih ngawt pawh hi a tha lo lampang hi vawiinah hian kan Sorkar hian a kalpui ta niin ka hre tlat. Chuvangin, Parliamentary Secretary-a dah hrim hrim ka zuk sawisel ni lovin, a lo pianchhuah danah hi chuan a fello a ni.

Palai kan tir a, palai tirh laiin kha nula kha thla 6/7 mi a lo pai tih ang deuh khanin, a dik lo deuh tlat. A Bill engkim mai felfai taka he House zahawm takina kan reffel hmaa kan ti erawh hi chu a felloin ka hria. Chuvangin, he Bill hi helama mite hi chuan kan han ngaihtuahin ti ringawta han pass hi a vawikhatna, thil thar a ni bawk a, a harsa mange tih hi a ni. Central Sorkar pawhin Down Sizing policy an kalpui mek a, hetiang ang kalh zawnga kan che hi chu a tha lo hlein ka hria a. Chuvang chuan, he Bill hi sawi dan thiam pawh a harsa, kawng lehlama a mihringte kan thian tha, kan thawhpui tha tak takte an ni, kan zah lawi si, an chungchang sawi loh theih loh, vawiina a letling zawnga kan kal hrim hrim hi chu a fel lovin ka hria a.

Oath of Secrecy chungchangah pawh khan dik tak chuan tu pawh chuan an lo ti thei maithei, oath administer kha, amaherawhchu, thil hi a kalphung hi a awm ve. India Constitution-ah thil engkim mai a ziak lo a ni maithei, practice kan nei ve a, tihdan phung khami violate lutuka kan kal thin hi Pu Speaker, a fel lovin ka hria a. He Ministry thar hian 'Change' kan tih rual hian change-ah hian thalo tam tak pawh hi thil a awm ve thei a. Ngun deuha he thil hi kan ngaihtuah a pawimawhin ka hria a. Zoram mipuite pawhin min thlir a, 'economic measure' kan ti a, kan Chief Minister zahawm takin, 'Adviser kei chuan ka dah dawn tawh lo', a ti a, a aia hautak lutuk tur vawiina thil kan ti leh si hi ngaihtuah chian chu a ngai khawpin ka hria. Pu Speaker, ka lawm e.

**SPEAKER**

: Tunah chuan, sawihona kha kan lo duhtawk dawn tawh ang a, Bill neituin han wind-up sela, tin, pass pawh han dil nghal se a tha ang e.

**PU LAL THANHAWLA  
CHIEF MINISTER**

: Pu Speaker, ka lawm e. He thil hi kan Sorkar dawn tih kan hriat atangin ngun taka kan ngaihtuah a, kan tih a ni Pu Speaker. Tha ti an awm ang a, thalo ti an awm ang. Kan Lal Isua pawh thalo titu an tam a, an

khengbet hial a ni. Chuvangin eng anga tha pawh ti ilangin a sawiseltu hi chu an awm dawn tho tho tih chu kan hre sa vek. Amaherawhchu, a tlangpuiin eptu lam atang pawhin Member tam berten sawisel leh sawichhe lovin, a dik zawk dan leh a that zawk dan an lo sawi hlawm a, Pu Lalduhawma te, Pu Ramhluna te, Pu Thlenga te, a lawmawm ka ti khawp mai.

Oath of Secrecy hi Pu Speaker, Parliamentary Secretary-te hi Constitutional head ten Oath of Secrecy leh allegiance an administer ang tih inziakna constitution-ah chuan a awm ka hre lova. Amaherawhchu, India ram pumpuiah hian Central Sorkar-te pawhin practice an nei a, Central-ah chuan Prime Minister-in a administer mai a, State-ah chuan Chief Minister ten an administer mai a. Chutianga kan tih ve hi a dik lohna awmin ka hre lova, a dik zawk avanga ti kan ni tih ka'n sawi duh phawt a

Tin, Minister-te hi an power clear taka define-na awm lovin ka hria a, "A Council of Minister shall be appointed to aid and advise of the President", "To aid and advise of the Governor" tih ni maiin ka hria, a constitution-a a inziah ang khan, chutiang, khatieng thuneihna a nei ang a, chutiang mite chu a transfer thei ang a, a theih loh ang tih kha a awm lo a ni Pu Speaker. Chutiang chu a tlangpui niin ka hria a, an rawn sawi a kha! Thil kan ti a, mi appointment kan pek chuan Financial Implication a awm ngei ngei tur a ni. Chuvangin, hemi Parliamentary Secretaries 6 kan ruatah pawh hian Financial Implications a awm a, chu chu Sorkarin kan tum mai dawn a ni. Adviser an ni emaw, tu an ni emaw, kan dah chuan Sorkarah financial implication hi a awm ziah,, chu chu hre reng chung a ti kan ni. Pu Khaund-a fel em avanga mi thenkhatin an duh loh kan han lak luh te hi kan tangkaipui hle a ni. Kan tangkaipui dawn avanga la kan ni tih pawh hi House hi ka hriattir duh a ni. Chutiang chuan kan tangkaipui tur hi chu ram leh hnam siamthat a' develop kan tum avangin kan la zel dawn a. Chuvangin, heng Parliamentary Secretary kan han ruatah te pawh hian inthlahrunna pakhatmah kan nei lova, dan kan bawhchhe bawh lo a ni.

Constitution-ah a inziak lo a ni maithei, amaherawhchu, dan tam takah keimahni 'Rules of Procedure and Conduct of Business' ngeiah pawh khan a inziak a. Chumi avang chuan, an awm a ni tih hi chu a chiang a. Chutiang bawkin Central-ah pawh a ni. Chungte avanga dah hi kan ni a, a bul atangin, 'day one' atangin hmalak that kan duh avangin tiang khan kan tichho tan a ni, tih kha he House hian min hriatpui turin ka duh a ni. Chu chu a tlangpuiin helaia kan sawi theih ni mai selangin. Tin, hemi Bill kan pass tak avang hianin RP & CB te siamthat a ngai a nih chuan a tlangpuiin Act tlawhchhanin heng hi siamthat a ni reng thin a, chungte pawh chu kan Sorkar hian a la siam tha mai turah ka ngai a, chutiang chu a ni.

Tin, eng emaw Residuary power ang chi reng reng leh chutiang khatiang han tih a kha a ngai hranpain a lang lova. A chhan chu, clause 10 khan a take care vek a ni. "All other conditions of service of Parliamentary Secretary shall be governed by the Mizoram Salaries, Allowances and Pension of Members of the Legislative Assembly of 1999 as amended from time to time", tih khan a huamin ka hria, Pu Speaker. Chuvangin Minister-te pawh engnge an tiha tih loh tur tih zia a awm chuang lova, chutiang bawkin Minister of State-te pawh, chuvangin, Parliamentary Secretary-te an nih avanga zuk ziah kha a ngai chuang lova, an residuary powers leh khatiang lam matters dang kha chu 'clause 10' khan a keng a ni tih a hriatin ka hria. Chu chu a tlangpuiin Pu Speaker, Member zahawm takte han sawi atanga ka rawn chhan theih a chu a ni. Parliamentary Secretaries-te kan neih avangin kan inthlahrung map lo, ngun takin kan ngaihtuah a, kan ram, kan hnam leh kan Sorkar bik tana tha tura kan ngaih angin kan kal mai a ni tih hi Pu Speaker, ka sawilang nawn leh duh a. Tin, keini ho hi advise ngaite kan ni a, thurawn pek ngaite kan ni a, chutiang zelin khalth ngil ngaite pawh kan ni a, chung atan chuan a tam lam hi kan duh a ni. Tin, anni hi public interest an ni chiang khawpin ka hria a, Minsiter-te an buai a, an available fo lova, chung karah chuan anni hian mipui tam tak mamawhnate an lo phuhruk thei thin a, an tangkai hle a, tun thleng hi chuan mipui pawhin min support-in an lawm ve in ka hria. Chutiang chu hemi chungchangah hian a ni tih hi ka'n sawi nawn leh duh baw a ni.

Chuvangin, Pu Speaker, he Parliamentary Secretaries-te kan ruatna chhan hi tun thleng pawh hian, tun maiah hian a purpose hi a serve hneh hle a, keini a 'Council of Ministers'-a awmte tana an tangkaina piahlahmah mipui, keini ho min dawrtute tan hian an tangkai hle a ni. Chuvangin, hei hi inthlahrung hauh lova a thatna tur, a tangkaina tur hre sa a kan tih a ni a. Chuvangin "The Mizoram Parliamentary Secretaries (Appointment, Salaries, Allowances and Miscellaneous Provisions) Bill, 2009" hi he House hian lungrual taka min pass-pui turin ka rawn ngen a ni. Pu Speaker, ka lawm e.

**SPEAKER** : Awle, Bill neituin kan sawihona a rawn wind-up a, pass a rawn dil baw a, kan buk dawn ang a. Bill reng reng hi clause by clause-a sawiho a pass zel tur a nih laiin, sawihona lamah a vaiin kan sawiho tawh a, pass lamah chuan hlawmkhawm mai dawn ila. Dan bawhchhe chuang lovin chutiang ang chuan Schedule 'A' kha kan han la hmasa ang a. Schedule 'A' hi pass remti apiangin 'Remti' tiru le. Remtilo kan awm em ? Awm lo maw ? A lawmawm e. Aw le, Schedule 'A' hi lungrual takin House-in a pass a ni, hei hi a Bill a tel a ni, Oath lakna chungchang kha a ni a.

Tin, tunah chuan Preamble Enacting Formula leh Clause 1 Short Title leh Clause 2 Definition-te hi pass remti apiangin 'Remti' tiru le, remti lo kan awm em ? 'Remti lo' tiru le, han sawi tha leh teh u a, a ring zawk ka hre mang lo. Remti apiang khan 'Remti' han ti leh teh u, ring deuhin, remti lo apiang khan 'Remti lo' ti leh teh u, ring deuhin, 'Remti' ti lam a ring deuhin ka hria. Chuvang chuanin, hei, House-in majority-in 'Preamble Enacting Formula' leh Clause 1 Short Title leh Clause 2 Definition kha pass a ni. Clause 3 atanga Clause 10, a Bill body hi pass



remti apiangin 'Remti' ti rawh ule, remti lo kan awm em ? Remti lovin 'Remti lo' ti rawh u le. E, tuntum chu ka bengah chuanin 'Remti' tih lam a ring tlat mai, tihnawn leh ngai lovin ka hria a, 'Remti' ti lam kha an tam zawk avangin Clause 3 – 10 Bill hi House-in a pass a ni.

Tunah chuan, "The Mizoram Parliamentary Secretaries (Appointment, Salaries, Allowances and Miscellaneous Provisions) Bill, 2009" chu House-in a pass ta a ni.

**PU LAL THANHAWLA  
CHIEF MINISTER** : Awle, Pu Speaker, a lawmawm khawp mai, ka lawm e. Tin, i vei lampang kha i en lova, MNF Bench-ah pawh khan 2 leh 2 in an phir tih kha i notice lo maithei a ni. (Dr. R. Lalthangliana : A hranin din tir la a tha ang chu mawle, kha lam atang khan rawn in ti ngawt lo khan. A chianna chu kan ding thei vek a lawm )

**SPEAKER** : Pu Speaker hi tunlai chu a mit a na deuh a, heti lai lo hmuh kim lohte pawh a nei maithei a ni.

Awle, waviin atana kan business chu kan zo ta a, kan chawl leh rih tawh ang a, naktuk ni 25.3.2009 (Nilaini) zing dar 10:30 ah kan thukhawm leh dawn nia. Sitting is adjourned.

1:20 P.M.